

東
華
續
錄

東華續錄

光緒一百二十四

臣朱壽朋敬編

臣章圭璩恭校

光緒二十一年乙未春正月癸酉朔丑刻 上詣 奉先殿行禮寅刻詣 皇太后前行禮辰刻詣 慈寧宮

慈福端佑康頤昭豫莊誠壽恭欽獻崇熙皇太后前行禮御中和殿受禮太和殿受賀已刻詣 大高

殿 壽皇殿行禮○乙亥 上詣 壽皇殿行禮○命已革提督方崇發馳赴吉林聽候恩澤差委○諭

軍機大臣等定安等奏吉林黑龍江練軍改步為馬大凌河牧羣馬匹不敷挑選請由察哈爾改撥一摺

著德銘於商都達布遜諾爾暨兩翼太僕寺各牧羣內挑選戰馬二千五百匹迅速派員解交定安等應

用務須一律贍壯毋得以疲乏充數致誤戎機原摺著鈔給閱看將此諭令知之○諭裕祿奏查明失守

地方各員開單分別參辦並自請議處一摺奉天鳳凰城等屬州縣地方各官均未能竭力守禦咎有應

得所有單開之劉繼勳等五十九員均著革職查辦按律分別治罪裕祿身膺疆寄備禦未能周密著交

部議處餘著照所議辦理前經降旨將東邊道宜麟鳳凰城城守尉佑晉著鳳凰關同知章樞著安東縣

榮祜革職查辦尚未覆奏著裕祿迅速拿辦按律治罪毋稍遲緩該部知道單併發○諭已革直隸提督

葉志超由公州退回平壤後又復漫無布置節節潰退前經降旨拿交刑部治罪茲據刑部奏稱葉志超現已解送到部請旨辦理等語革員葉志超應得罪名卽著刑部嚴行審訊按律定擬具奏○王懿榮奏臣籍隸山東福山縣地處濱海烟臺卽其所屬東距威海百八十里爲渤海南路緊要關鍵此地一失大局瓦裂撫臣李秉衡公忠廉介中外交推惟履任未久兵力又單淮軍水師倚恃李鴻章不遵該撫約束故致有榮城失陷之事臣家有老母年已七十有三聞此信神魂飛越登萊商賈旅食京師者約有三十餘萬人之多人人有身家之念海隅有警兵團不給衆情惶惑若市面一空轉滋搖動亦必須先有以鎮定其心臣父前任四川成綿瀘龍茂兵備道先臣祖源於咸豐十年任部員時曾經督辦山東團練大臣杜錫珣調回籍專辦登州海疆一帶團練臣於斯時年已十六七歲跟隨周歷各口故與鄉人夙昔洽熟二三豪俠皆所周知惟有仰懇我皇上逾格天恩准臣回籍會同撫臣辦理團練兼事招募惟事機已迫非有得力軍幹迅速赴援不足濟急查現有管帶永興軍記名提督王鴻發爲臣同祖堂弟前隨伊犁將軍金順在新疆西北兩路轉戰二十餘年刻下同總兵馬心勝所帶馬步八營已抵近畿臣接其來信亦深以鄉邦爲亟憤恨切齒蓋威海爲天津門戶威海若不保則天津萬無可守之理避賢鑒虛知登州兵力較單故授我東防以掣全局此次由成山登岸者係倭寇之第三軍共一萬五千餘人聞李秉衡

電請截留丁槐一軍已蒙 俞允但營伍尙少器械未齊深恐不足以資防剿亦且緩不濟急倭寇倘由
陸路西擾則南北阻梗漕糧軍火接濟不通何以自立臣愚以爲留此八營於畿輔軍力之厚薄不足輕
重而登州兵力未厚奉天對岸海面路路可達若任其游弋時有擊助亦萬非李秉衡一人所能忤願職
使鴻發馳援威海或足以保重地而救孤軍至臣桑梓私念烏島下情猶屬其小焉者如蒙 俯允准
回籍臣即帶同王鴻發星夜馳援較之遠調他軍自必親切得力所有臣迫切下情不顧冒昧籲懇 皇
上俯准施行則沿海一帶生靈皆出自 聖恩天賜 臣侍直 內廷受 恩深重一俟海氛稍靜 臣將團
練事宜歸併撫 臣即行回京當差不勝悚惶待命之至 上諭翰林院侍讀王懿榮奏請回籍幫辦團練
並請酌帶援兵一摺王懿榮著准其回籍辦理登州團練事宜以銜桑梓至請調記名提督王鴻發係總
兵馬心勝營中分統此軍已歸牛師韓統帶業經劉坤一調赴榆關所請著毋庸議○丙子命廣西副將
寶華馳赴山東交李秉衡差遣委用○丁丑諭軍機大臣等李鴻章李秉衡電奏均悉戴宗騫進紮虎口
山嶺距長牆十餘里當倭來路布留尙屬合宜速日迎剿倭前隊均似得手惟大股將至勢須合力拒戰
以挫賊鋒戴宗騫電稱自往督戰甚屬奮勇著與劉超佩等同心協力堅守要隘毋稍疏失此時待援最
亟據戴宗騫電有東軍年底退紮就糧難折回之語李秉衡電又稱孫萬林三十至初二等日屢與倭

人接仗其退紮就糧係屬何軍何人統帶當此分兵守險聯營進剿之際著李秉衡迅即查明飭令趕緊折回助剿不得稍有誘退致誤戎機再孫金彪現駐烟臺通商口岸防務較緩如能調孫金彪一軍前赴威海協防吏爲得力著李秉衡體察情形即行覆奏○諭御史鍾德祥奏上駟院卿增潤與福森布及郎中錫麟扶同作弊員外郎景昌補缺由於錫麟賄託廐長熾昌於應發銀兩米豆無不剋扣五閤馬匹不足額數決多請飭查辦等語著懷塔布按照所參各節確切查明據實具奏○諭御史鍾德祥奏請釐正特旨班人員補缺章程等語著吏部議奏○戊寅諭軍機大臣等著李鴻章查通永鎮總兵吳育仁防守北塘如果不能得力即另派勁旅前往切勿遷就誤事○諭前據刑部奏革員龔照璣拿解到部當交刑部嚴訊按律定擬具奏茲據御史蔣式芬奏稱確知該革員委龔旅順實在情形請歸案訊究等語即著按照該御史所指各節歸入前案一併覆訊具奏○諭巡視北城御史齊蘭等奏粥廠貧民擁擠斃命一摺上年十二月三十日梁家園粥廠照章加放餽首貧民人數過多爭先恐後致被擁斃多名跪奏殊堪憫惻業經該城分別查驗撫卹因思各城皆有粥廠著各該御史轉飭紳董嗣後務當妥定章程盡心經理並多派人夫設法照料以全習舉而卹窮黎○己卯諭軍機大臣等李鴻章李秉衡本日電奏均悉倭隊全向西行戴宗騫往守北岸三臺兵少勢孤危在呼吸現惟有嚴飭孫萬林李楹趕緊馳赴北岸協同

戴宗霖等盡力防守水路各船營丁汝昌督率在劉公島及北岸各臺與陸兵依禮堵擊孫萬林等儼再有退避卽按軍法從事至雷艇管帶王登雲攻燬趙北嘴臺礮臺丁汝昌速爲請獎殊屬非是南岸全臺俱失水陸各營皆有應得之咎現在力保北臺王登雲儼能奮勇立功再行核實保獎此次所請著無庸議昨據奏稱高場礮臺打沈倭船一隻又劉公島打沈一隻出力將弁著查明獎勵○諭順天府府丞兼學政李培元奏內地採鎗爲行軍利器請飭各省設法製造內地火藥酬以鉅賞等語著戶部議奏○以長萃爲鎮紅旗漢軍副都統○福建臺灣鳳山縣旗后南岸礮臺火藥失慎○庚辰雪○時享 太廟上親詣行禮○以張汝梅爲陝西布政使劉肅爲山西按察使○諭兵部奏遵嚴甘肅提督李培榮處分請以降二級調用公罪可否抵銷請旨一摺李培榮著改爲革職留任卽回甘肅提督本任其所帶防營著歸江西九江鎮總兵朱朝儒統帶○辛巳威海衛陷○諭李秉衡奏特參榮城失守救援不力各將弁請旨懲處等語上年十二月二十五日倭人由落鳳港登岸撲陷榮城縣城該處所駐各營或迎戰不力或救援不及均屬咎無可辭候補副將閻得勝戴守禮候補參將趙德發候補都司葉雲生試用巡檢徐撫辰五員均著暫行革職仍令帶罪圖功以觀後效其榮城縣失守文武官員並著確切具奏○予故河南光州知州姚國慶列入國史循吏傳○壬午諭軍機大臣等李秉衡奏威海失守請將帶兵各員嚴

議並自請嚴議等語提督孫萬林總兵李楹救援不力均著交部嚴加議處李秉衡調度失宜究因兵單所致著加恩改爲交部議處○癸未召張煦入覲以胡聘之署山西巡撫○予故安徽望江縣知縣王寅清列入國史循吏傳○甲申諭軍機大臣等直境各海口緊要預防固宜嚴密一聞警信如何呼應靈捷合力直擊使敵不得乘間登岸著李鴻章迅籌覆奏○乙酉日人據劉公島覆我北洋海軍○幫辦北洋軍務大臣王文韶陛辭請訓 慈禧端佑康頤昭豫莊誠壽恭欽獻崇熙皇太后諭令到津後激勵將士各矢天良力圖振作果能奮勇爭先殺賊立功必有不次之賞倘退縮不前致賊狂竄一經查明亦必有不次之罰軍情萬緊卽傳諭各營統領暨關內外統兵大臣一體欽遵轉飭遵照該大臣仍將通行宣諭緣由專摺覆奏○丙戌 上詣 奉先殿 壽皇殿行禮○諭自上年軍興以來朝廷每念從征士卒冒險衝鋒勞苦情形時深軫恤著各路統兵大臣嚴飭各將領等於所部兵勇務當優加體恤以期踴躍用命倘有剋扣軍餉虐待兵勇經朕訪聞或被入參劾定當執法嚴懲決不寬貸該統領等其各懷遵毋忽○丁亥 上詣 大高殿 壽皇殿行禮○諭軍機大臣等邵友濂奏飭緝緝獲馳遞辦理臺灣後路轉運著暫緩來京陛見○諭理藩院奏蒙古親王捐輸軍需銀兩請旨獎勵一摺該親王情殷報効洵屬急公科爾沁扎薩克和碩圖什業圖親王色旺諾爾布桑保著賞換黃糧○辛卯諭軍機大臣等前派張蔭

桓邵友瀛爲全權大臣前往日本會議條款日本意存延宕藉勦莠有請有之語謂非十足分際不與開議送回長崎追令田貝再電詢問乃又答云無論何時可以再行開商和議總須中國改派從前能辦大事位望甚尊聲名素著之員給與十足責任仍可開辦等語現在倭艦鴟張畿疆危逼只此權宜一策但可解紛紜急亟謀兩害從輕李鴻章勦績久著熟悉中外交涉爲外洋各國所共傾服今日本來文隨有所指朝廷深維至計此時全權之任亦更無出該大臣之右者李鴻章著賞還銷頂開復革留處分並賞還黃馬褂作爲頭等全權大臣與日本商議和約直隸總督北洋大臣著王文韶署理李鴻章著星速來京請訓切毋刻延一切籌辦事宜均於召對時詳細面陳該大臣當念時勢阨危既受逾格之恩宜盡匪躬之義諒不至別存顧慮稍涉遲回也起程日期並著卽行電聞以紓廑注將此由六百里諭令知之

○壬辰 上御文華殿各國駐華使臣覲見賀年○予山東陣亡道員戴宗燾祭葬世職○諭吏部兵部會奏遵議處分一摺山東巡撫李秉衡著照部議降二級留任不准抵銷提督孫萬林總兵李楹均著照部議卽行革職准其留營効力以觀後效○廖壽豐奏浙防正當緊要辦事請人請電飭新任臬司蒞紉懇卽赴新任以重職守 上諭軍機大臣等廖壽豐電奏已悉著該撫傳知蒞紉如無經手未完事件卽行赴任毋庸來京陛見○癸巳諭福裕奏假期已滿病難速痊請開缺回旗調理一摺奉天現係軍務

省分該府尹行抵中途屢次藉病奏請開缺顯係意存規避奉天府府尹福裕著卽勒令休致○諭德馨奏特參縱勇沿途滋擾之守備請交部議處一摺廣東候補守備宋鵬飛經李瀚章派令前往皖江招募赴粵路過江西蓋城及南康大庾等縣縱令勇丁沿途捉船毆人強搶號馬種種騷擾該守備並有捏造訛案情事似此縱勇肆擾實屬殊屬大干軍紀宋鵬飛著先行革職由李瀚章派員押解江西交德馨嚴行審訊按律懲辦以儆效尤○甲午諭給事中洪良品奏駐藏幫辦大臣訥欽於去年十一月初六日請訓至今尙未出京等語著兵部該旗查明具奏○諭德馨奏拿獲匪目審明懲辦請將出力人員保獎等語上年正月間圍攻永甯寨內匪目邱懷德潛匿龍泉縣北鄉經該署縣鄧宣猷會同把總羅慶雲分派兵役團勇馳往掩捕將該犯拿獲審明正法所有在事出力之調署龍泉縣事永豐縣知縣鄧宣猷龍泉縣把總羅慶雲卽著德馨奏請獎勵逸犯黃三祥等仍著飭屬嚴拿務獲究辦該部知道○諭前經降旨將失事各員拿交刑部治罪並迭次飭催速解除業經拿解到部及准令留營効力各員外現尙有趙懷業衛汝成黃仕林三人未經拿解到案該革員等均屬獲咎甚重豈容日久潛匿卽著直隸總督安徽江西各巡撫一體嚴拿務獲速卽派員押解來京毋任逗遛並著福潤德馨將趙懷業等三犯家產先行查抄○以警聯爲奉天府府尹○宋慶奏奴才於光緒二十年十二月初七日在田莊臺行營准軍機

大臣字寄光緒二十年十二月初二日奉 上諭前據李鴻章電奏葉志超一軍在成歡等處地方接仗獲勝當經明降諭旨將出力各員分別獎敘現在機次有人奏參該軍捏報勝仗所保各員且有並未在營者宋慶烈奏摺內亦云葉志超由公州退回平壤所報戰狀盡係虛捏第念聶士成等同時力戰亦未便沒其微勞著宋慶烈將葉志超前次請獎之案確切查明其實在出力各員仍准給獎外其餘濫邀獎敘之員著卽奏明請旨撤銷以昭核實李鴻章原電著鈔給閱看將此諭令知之欽此遵 旨寄信前來等因奴才查閱李鴻章原電七月十四日該軍行抵王京西北之京化遇倭戰剿一節查無實據惟六月二十七日成歡一戰斃倭較多出力各員自應遵 旨查明以昭核實當行聶士成令其查明成歡戰剿人員據實聲覆一面派員訪查去後茲據聶士成覆函云記名提督江自康記名總兵譚清遠儘先副將馬義和儘先參將許兆貴儘先游擊魏家訓副將程儘先都司徐兆德儘先守備王臣均係在成歡接仗異常出力之員游擊邵禮達留防牙山倭人分兵攻牙打仗奮勇記名總兵葉玉標派赴公州堵禦海口游擊毛殿揚都司戴長榮守備杜俊卿派駐天安該處爲成歡公州適中之地前後策應未曾臨敵立功稍次候選道吳學廉係派委營務處差使知府張雪錦知縣劉長英金慶慈縣丞任家祐皆充當文案知縣范汝康係管銀錢所委員同知史雲係糧械局委員均在事出力等情並據去員查得吳學廉辦理葉志

超軍營務毛殿揚充行營巡捕葉玉標爲葉志超遺族均未督隊戰剿雖免徇情其所保文員雖在事出力並非隨隊剿賊等語奴才遵查該士成於成歡接仗督隊戰剿復能等候潰隊帶同退回平壤及所查實在出力之提督江自川總兵譚濟遠副將馬義和參將許兆貴游擊魏家訓副將鵬程都司徐兆德守備王臣游擊孫禮達等以上十員請恩 天恩仍准照保給獎具吳學廉毛殿揚葉玉標既涉徇情未免冒濫應請 旨撤銷俟軍務肅清再由原保大臣查明敘其勞績另核獎勵以昭核實而免冒濫是否有當伏候 聖裁 上諭前因在廷諸臣交章參劾葉志超一軍在成歡等處接仗所報獲勝情形均係虛捏請將保案撤銷當諭令宋慶確查具奏茲據宋慶奏稱該軍所報行抵韓城西北之京化遇倭戰剿一節查無實據其在成歡一戰提督許士成督隊戰剿身先士卒提督江自康總兵譚濟遠副將馬義和參將許兆貴游擊魏家訓副將鵬程都司徐兆德守備王臣游擊孫禮達均係接仗出力者仍照原保給獎候選道吳學廉游擊毛殿揚總兵葉玉標未曾臨敵所保均屬徇情著即將保案撤銷都司戴長榮守備杜俊卿係實策應知府張雲錦知縣劉長英金慶慈縣丞任家祐知縣范汝康同知史雲僅係充當文案等差並無戰功足錄所得獎敘著先行撤銷俟軍務肅清另行核辦以昭核實而免冒濫該部知道○乙未諭軍機大臣等劉秉璋奏請將代理秀山縣知縣教習知縣鄒子元革職永不敘用等語該員貪鄙妄爲

係據川東道黎庶昌稟揭並未將實在劣跡詳細聲敘該督遽以革職永不敘用奏請旨該部知道○
賈鄉子元有無賊私竄跡著劉秉璋確切查明具奏再降諭旨○四川建昌鎮總兵劉士奇卒予祭葬○
追予前署貴州興義府知府李保衡列入國史循吏傳○丁酉諭給事中托佛歡奏參夏鄉縣知縣范服
福侵吞賑款任用蠹役濫施非刑各節當經諭令孫家鼐陳彝確查茲據查明復奏范服福被參各節均
無實據即著無庸置議惟該員先後兩任夏鄉既招物議即屬人地不宜夏鄉知縣范服福著開缺另補
餘著照所議辦理該部知道○刑部奏光緒二十年十二月二十八日准北洋大臣直隸總督李鴻章及
幫辦北洋軍務四川提督宋慶分派委員會同押解已革提督葉志超到部當經收禁於二十一年正月
初三日以可否 簡派大臣會審抑或由 臣部按律治罪之處請 旨定奪奉 上諭已革直隸提督葉
志超由公州退回平壤並未接仗迫行抵平壤又復漫無布置節節潰退不前其安州尚有馬步八營可
爲策應該革員並不扼守安州乃竟退過鴨綠江實屬統馭無方大負委任葉志超著交刑部治罪等因
欽此遵卽遵派司員從嚴訊鞫據葉志超供係安徽合肥縣人投入淮軍歷保武職蒙 恩簡授直隸提
督光緒二十年五月間奉派赴朝鮮剿辦亂匪抽帶蘆榆兩防兵一千五百名於五月初八日行抵牙山
六月初間平定匪亂旋以倭人擄毀牙山四面受敵正擬移駐公州倭已大股來犯適續調蘆榆北塘兵

一千八百餘名趕到革員等因遂移師成歡突於二十六日夜倭人潛來偷營當經擊退俄頃倭兵紛起數約二萬彼此對敵互有傷亡革員兵寡力瘁遂退至公州繼探知倭以大股來攻因繞道從漢江上游飛渡由平康行抵平壤當經電奏自請議處並為陣亡諸將領請卹奉 旨以該員所帶之兵本為朝鮮定亂兵數不多此次途遇倭軍雖有傷亡功過足以相抵著加恩寬免議處准其擇尤保獎等因欽此嗣於七月二十六日奉 旨總統諸軍自揣力難勝任恐誤大局兼以病須就醫請開缺未蒙 恩允維時革員所帶弁勇三千餘人先在平壤各軍有衛汝貴統帶之盛軍十二營馬玉崑統帶之毅軍五營左寶貴統帶之泰軍馬步三營豐陘阿統帶之馬隊盛宇兩營均歸革員總統當與各統領會商派衛汝貴駐守平壤南門外大同江沿分一營駐江東派馬玉崑以一營接應盛軍兼防大同江並分一營駐紮江東城內又駐四營扼守南門派左寶貴以一營駐南門外大同江浮橋作為接應派豐陘阿兩營馬隊守七星門由南門至大西門等處係革員自統正定軍右營及平壤獵戶合守其餘各營分段駐守並挑選各營精銳作為游擊至十三十四等日倭復以全師來犯各軍分道迎敵倭人亦經敗退至十五十六兩日倭人齊出大隊鏖戰十六日早奉軍三營礮臺被毀左寶貴中彈陣亡各軍子盡糧絕倭人搶掠四出以大礮向城營施放革員同諸將定議退守安州詎該處官民逃避一空兵勇無食可就復同諸將會商

連原駐各營均退至博川地方革員又經奏明白請嚴議蒙 恩寬免革員隨於八月二十三日奏明全軍退回鴨綠江西九連城駐守至革員到九連城時連原駐並續到馬步各軍尙有一萬餘人嗣於九月初五日奉 旨撤去革員總統於二十一日將自帶各營交聶士成接管聽候查辦至二十八日九連城失守革員業經交鄧等語並將歷次電報鈔呈 臣等查葉志超初在朝鮮平定匪亂其由牙山移至公州及平壤均不免於潰退尙可以兵數不多寬其責備迨至平壤以後統計各軍共二十餘營均歸該革員總統果如所供分段扼守其布置亦可謂周密何至一遇倭人全行敗北況彼此相持不過數日遂謊爲子盡糧絕竊恐無此情理倘謂平壤失利難以株守則安州尙有馬步八營未嘗不可借資保衛而該革員連稱官兵逃避一空兵勇無食可就所供尤不足信且該革員由公州潰退業經蒙 恩免議又復畀以總統之任迭蒙 賞賚在該革員宜如何奮不顧身力圖効命乃節節逃避窮蹙封於不顧直退至九連城始行停止其貽誤大局厥罪誠無可追卽宋慶原奏亦謂該革員由公州退回平壤並未接仗惟抱病因循督勦不力當撤兵之際不能按定次序又不能整隊徐行直過鴨綠江始止實無統馭之才則該革員之漫無布置恒怯畏葸可想而知再三究詰該革員亦自認統馭無力辜負 天恩惟有叩求按律懲治甘罪無辭應卽擬結查律載守邊將帥被賊攻圍城寨不行固守而輒棄去因而失陷城寨者斬

監候等語此案已革提督葉志超由公州退回平壤並未接仗迫行抵平壤大兵已經陸續調集該革員並拜 命總統自應督率諸軍協力進剿乃一遇敵人卽行潰退可知其全無布置且安州亦屬要隘兼有留駐各營可爲策應並非無險可守該革員又復棄置不顧竟將全軍退過鴨綠江以致數百里藩封全行失陷揆其潰退之由非藉口於力不能支卽託言係自固藩籬卒至貽誤大局非特平壤等處棄置不顧九連城亦旋卽失守實屬咎無可辭誠如 聖諭取統無方大員委任自應從嚴懲辦按律定擬已革但隸提督葉志超合依守邊將帥被賊攻圍城寨不行固守而輒棄去因而失陷城寨者斬律擬斬監候秋後處決係武職大員仍恭候 欽定又奏光緒二十年十一月二十一日奉 上諭前因旅順失守諭令李鴻章查明總辦船局道員龔照璦有無潛逃竄情事旋經李鴻章覆奏請將龔照璦革職留營効力當經革職不准留營惟該革員總理船政工程兼辦水陸營務久駐旅順當倭氛逼近之時不能聯絡諸軍同心固守追船塢失陷避至煙臺僅予革職不足蔽辜已革道員龔照璦卽拿交刑部治罪等因欽此復據山東巡撫李秉衡奏參龔照璦等臨敵逃竄貽誤軍機等因在案當經 臣咨催直隸總督迅速派員押解已革道員龔照璦送部去後旋據該督飭委候補知縣吳調鼎於十二月二十七日將龔照璦解送到部經 臣部奏請案情較重可否 簡派大員會同刑部審訊或逕照欽奉 諭旨按例治罪是

月二十八日奉 上諭已革道員劉照鼎前因旅順船塢失陷避至煙臺降旨拿交刑部治罪茲據刑部奏稱該革員現已解送到部請旨辦理等語劉照鼎得罪名卽著刑部嚴行審訊按律定擬具奏以此經臣等由軍機處將李秉衡參摺咨鈔到部查原摺內稱該革員督帶水雷等軍倭犯大連灣時居民尙可安堵如故該革員一聞警信卽攜眷潛赴煙臺經該撫訪問正往請問旋又逃至天津迫於衆論折回旅順不數日仍自潛逃以致兵民驚惶軍無固志該革員逃後其親兵營勇肆行搶掠因之工匠居民遷徙一空旅順之失該革員實爲禍首等語當卽遴派司員嚴行審鞫復據御史蔣式芬奏參去年十月初九日金州失陷該革道卽於初十日由旅順逃往煙臺據東撫李秉衡查問又逃赴天津十一日各廠閘總辦已遁工匠皆散營兵紛出攪掠該革道所部之兵自劫廠庫料而逃於是水雷營弁張起龍斷電綫攜電箱亦遁水旱雷兵聞之皆遁故雖各口伏水旱雷六百餘具未嘗一發也該革道既至天津經李鴻章面飭令還旅順至二十四日該革道仍乘船廠易便帽絮袍遁入舟船始出口迴首倭兵猶未至也行四日始達煙臺畏東撫不敢上岸匿廣艇中數日仍乘巡順商船遁至大沽一摺光緒二十一年正月初六日奉 上諭前據刑部奏革員劉照鼎拿解到部當交刑部嚴訊按律定擬具奏茲據御史蔣式芬奏稱確訪該革員委棄旅順實在情形請歸案訊究等語卽著刑部按照該御史所指各節歸入前案一併

嚴訊具奏欽此等復飭併入李秉衡所參各節詳加究詰據與照璣供稱係安徽合肥縣人同治十年投効北洋製造局當差由監生捐納府經歷加捐同知保知府分省補用光緒十一年捐道員十六年保二品頂戴捐指直隸到省後調辦旅順船塢工程刊發總辦旅順船塢事宜木質關防一顆因與水師陸營均有交涉事件奏派會辦北洋船海水陸營務處由前辦船塢工程現在山東登萊青道劉含芳移革員兼辦營務處並無節制各軍之名水雷營向設管帶一名幫帶一名隊長三名每隊二十名共水勇六十名海口門外設水雷三百餘具後路西岸自羊頭窪至東岸鹽廠五十餘里由各營共領旱雷二百餘具安設各處要路倭賊初來聞有本地奸細爲之嚮導凡後路所設旱雷之處賊來均未經過是以未放旅順向無城池亦無文武守土職官後路奏明派姜桂題程允和兩軍鎮守前面東西兩岸礮臺係黃仕林張光等專責營務處向有護勇二十名船塢局向有長夫三百名係專備各船進塢刮漆油底搬運糧件九月間傳說到處皆有奸細各兵輪修竣後稟明北洋大臣暫將長夫按營制改工程一營卽派管帶分哨分棚派在各處料械庫所晝夜輪流巡守以防奸細暗地放火並將各營寄存廢鎗借撥三百根發給藉壯聲勢船塢自十六年開辦以來計年用存料件約合銀十八萬兩等革員家眷於九月初十搭商輪到天津人所共知並無攜眷赴煙臺一事十月初九日金州失陷大連灣相繼不保是晚正定鎮總兵

徐邦道及提督趙懷業同時潰至旅順士卒數千人糧餉全無旅順各軍自辦之糧未到亦恐糧餉不足且電耗已斷津旅信息不通當日各廠匠人散走均未到工隨將廠庫封鎖彼時統將十分焦灼公同來局商請革員親身前往乞援局中山姜桂題代爲照料數日革員乘海軍雷艇出海初十日至煙臺晤登萊青道劉含芳籌用民船運糧設法接濟旋即抵津將旅順一切情形面稟北洋大臣求爲速救始知宋慶業已南下又奏調章高元一軍赴援並籌濟米五千四百石及子藥等件裝載鎮東輪船革員於十四日回旅順船鳴廠庫各處均封鎖如故並無搶竊情事惟據姜桂題云西岸有一處看守施放旱雷六品軍功隊長張啟林因將雷箱損壞畏罪帶水勇四名逃去隨派弁兵安設妥當其餘各處雷箱綫弁兵照舊看守當派該管查拿張啟林不知去向並無張啟龍之人倭賊時尙盤踞金州革員見勢危急曾勸諸將同心抵禦十七日姜桂題程允和兩軍接仗於營城地方十八十九等日均與接仗獲勝二十一日賊以大隊相犯各軍痛剿斬獲甚多二十四日黎明賊以巨艦載添重兵由雙島一帶破護登岸又由後路同時猛進各統領分隊禦敵自黎明戰至已刻革員在局據探稱賊之鎗礮所擊甚遠後路西邊兩礮臺先爲所毀賊乘勢近逼後路中邊各臺隨又失陷革員出局到後山瞻望當見各軍暫退白玉山革員回局片時復據探稱大隊又爲賊之鎗礮所敗賊已至局後圍牆革員見勢難抵禦遂退至小平島其時遙

見拖帶礮船之遇順輪船及下雷之小船各一艘出口外被倭輪開礮轟擊本局護勇及工程隊等當時亦不知奔散何處革員隨隊回山路徑崎嶇以致馬倒墜地右髖受傷不能行動適遇局夫救上魚船送至煙臺因髖傷甚重人事昏迷當經局夫擡上商輪送回天津醫治數日十一月初六日稟見北洋大臣擬面陳旅順船塢失陷情形因被參奏未經得見等語臣等查旅順失陷該革員倉皇奔竄業已承認不諱惟於賊攻陷金州時先期潛逃一節再三究詰堅供實係前赴煙臺商運糧米復至天津請援委非逃遁其棄置地雷一節則稱係張啟林因損壞電箱同水勇逃走並堅稱旅順未失以前兵勇併無搶掠情事臣等詳核案牘該革員既為商辦糧米起見李秉衡時駐煙臺何以並不謁見李秉衡若非訪查明確亦未必遽以入奏所供頗有不實其製造水旱地雷原為禦敵乃敵至而併未一試且係該革員專責仍復委罪於人尤屬支飾既經欽奉諭旨交臣部按律定擬未便任令茹吐其詞稍寬厥罪應卽擬結查例載防守要隘文武員弁統帶重兵畏葸巧避失守要隘者照守邊將帥失陷城寨律擬斬監候等語此案革員龔照瑛委辦旅順船塢工程會辦水陸營務處久駐旅順專任繁重其時防守旅順者不下二十餘營兵力不可謂不厚雖各營均有將領該革員併無統率之責惟係監司大員且兼辦水陸營務自應激勵諸將統籌守禦之策乃聞倭賊攻陷金州輒以赴天津請援托詞逃避致安設地雷之張啟林因之奔

逃兵勇亦因之搶掠追回旅順後至數日賊蹤始至又復不能聯絡諸軍同心固守以致船廠不保旅順全行失陷該革員復微服逃竄是其畏葸巧避致誤事機厥咎實無可辭查失守要隘例不分文武一律治罪自應按例問擬已革二品頂戴直隸候補道鍾照瑛合依防守要隘文武員弁統帶重兵畏葸巧避失守要隘者照守邊將帥失陷城寨律斬監候例擬斬監候秋後處決係職官仍恭候 欽定 上諭刑部奏遵有嚴訊革員果志超屬照瑛按照律例分別定擬罪名請旨遵行一摺已革直隸提督葉志超已革道員龔照瑛均著照該部所議斬監候秋後處決○已亥恩澤等奏伯都訥烏拉屬界教匪勾結謀叛當飭全營翼長富順慶撥隊兵前往搜捕旋據慶祿率兵拿獲肅沐清等二犯據供黨羽極多果有謀叛重情訊明後批飭將該犯就地正法並勒緝在逃教首孟福山等務獲懲辦曾於光緒二十年十二月十三日奏請添兵摺內陳明在案奴才一面多張示諭解散脅從嚴拿首逆必使無處托足其甘心從逆之賊相機剿辦勿任竄擾節經分飭去後嗣據靖邊親軍前營管官備用佐領驍騎校保全呈報十二月初十日奉派在五常關東山以內搜捕盜匪深入險阻十餘日多有擄掠旋偵知教匪張九令等聚集三百餘衆起事謀叛業經竄至吉林府屬之官街並烏拉屬白旗屯地方焚殺抄殺居民紛紛遷避因率帶所部勇丁於十二日偵蹤追至十六高棚接仗而賊逃於溪浪川裹脅愈衆列陣對仗一時之久鎗斃

逆匪十數名後開放小鋼礮三出賊遂不支餘眾均乘坐馬爬犁行駛如飛敗入樺皮甸子天合慶商號該商繞圍牆異常堅固四隅建有更樓逆賊將門閉塞眾登樓鎗礮齊施抵抗我軍祇有一百餘人四面環攻猝不能拔是以稟由省城增益兵隊詎時已深夜幸隨剿之哨官鳳祿孫長勝等帶兵百名並委防禦德豐阿帶領馬隊馳至飭令分兵圍攻因後開礮轟擊仍難得手攻至寅刻星月將落該逆乘時啟門衝出兇猛異常尤幸我軍拚死抵禦奮勇上前賊不得逞遂乘時殺入該匪有由西北牆下穴洞逃竄者經官軍殺斃六十餘名生擒五十餘名奪獲偽木印一顆偽黃令旗二面號坎號褂四十餘件擄鎗烏鎗土礮一百餘件騾馬八十餘匹兵勇受傷者僅四人訊據獲匪供稱偽元帥張九令已被此次官軍殺斃尙有僞主朱承修僞軍師孟毓奇卽幅山僞總兵岳祥教首陳汲幅等分匿黑林子天成街一帶竊候逼脅入教各匪到齊之期攻打省城等語營官保全飭令認明張九令屍身爲示遂飭哨官孫長勝等分途搜剿竄匪旋據哨官鳳祿率兵追至天成街獲孟毓奇並其子孟阿然解至法特哈邊門聽候示辦適翼長慶祿飭據委營總穆隆阿委防禦慶祥等協同民團復在黑林子地方將僞總兵岳祥教首陳汲幅畢士英千汲升李廣祿曹鴻德等一併拿獲而朱承修因聞官軍獲勝陣斬其僞帥僞將多名且僞軍帥孟毓奇等又均已就擒知事已無成復爲戚族所逼無處逃生遂爲兵勇緝獲備述孟毓奇妄冒逆

會推伊爲主共謀大事質之孟毓奇供亦無異並其宗師劉明由張家口令其來東三省分道傳教沿途已放教首一百六十四人責令各領一盤每盤三五百人不等其能收至加倍者或爲總兵或爲元帥以天地雲三盤爲據等供翼長慶祿遂將該逆首等並盤圖邪書飭解到省經奴才等發交肅局委員會同刑司吉林府覆訊相符當因該犯等逆跡昭彰未便久稽顯戮隨即批飭掛赴市曹斬決爲示犯事地方以昭炯戒其擒獲陳汲幅等五十餘名委派分省補用知縣程國鈞會同翼長慶祿就近於法特哈門地方訊明陳汲幅等四十二名或係充當教首鼓惑鄉氓或係甘心從逆抗拒官兵均屬罪大惡極法難寬貸亦已批飭正法至沙海方等十二名同續獲之趙泉等八名訊係隨時獲獲並未入教從逆取具妥實保結開釋永定民心仍飭各文武嚴拿從逆竄匪續據委營總雙成拿獲李文生等五名委騎校依陞阿委章京永林拿獲教首牛長崑牛春元二名署吉林府知府員啟章拿獲李金等五名又經批交司局確審辦在案奴才等查逆犯孟毓奇爲關內外總教首造作讖語妄言運會增信逆師劉明分竄張家口奉天吉林黑龍江三省誘惑至數萬之衆推朱承修爲僞主張九令岳祥等爲僞帥約期謀事逆跡昭著疊報到省民多惶惑烏拉總管伯都訥等處急告文書每日數至省中所餘兵隊本自無多而練軍各有防所調遣殊形棘手奴才由理春帶來新募親軍一營預先遣往五常縣搜捕盜賊而全營翼長慶

祿亦係先期派赴雙城廳查辦事件得以飭令就近剿辦若少事遷延必至裹脅愈眾則蔓延爲患實難免爲朝陽之續今各該員等奮勉圖功迅赴戎機旬日之間逆首就擒凶匪斬滅邪氛潛消民賴以安此皆仰仗 朝廷威福將士用命方克臻此實非奴才等初意所及安全地方洵非淺鮮此次異常出力人員相應請 旨破格恩施從優給獎以示鼓勵而昭激勵 上諭恩澤等奏剿滅謀叛教匪請將尤爲出力人員獎勵一摺伯都訥烏拉屬界教匪孟福山等造言惑眾推朱承修爲首建立偽統兵元帥等名目在張家口奉天吉林黑龍江等處煽誘匪徒約期謀叛經恩澤等調派翼長富順及營官保全等在五常關東山以內並吉林府屬十六高棚等處分路進剿該匪敗入樺皮甸子負隅抗拒我軍四面環攻擒斬多名奪獲偽印器械等件旋追至天成街拿獲孟毓奇審明賜示復經翼長慶祿等派委營員協同民團在盤桃子地方擒獲朱承修及偽總兵岳祥等正法餘犯分別懲辦並將裹脅人衆訊明開釋辦理尙爲迅速自應量予恩施以昭激勵記名副都統協領富順著賞給頭品頂戴協領慶祿著以副都統記名簡放並賞給捷勇巴圖魯名號補用佐領驍騎校保全著免補佐領以協領儘先補用並賞給壯勇巴圖魯名號其餘出力人員著恩澤等查明分別請獎毋許冒濫該部知道○庚子諭內務府奏明釋回太監沿途勒索請旨從重治罪一摺太監董雙福等由黑龍江釋回沿途行去輒敢藉端勒索車轎錢文雖無驗

擬驛站各情實屬臆玩僥倖發遣爲奴尙覺輕縱太監董雙福陪增瑞子榮興貴品華王進榮國金林均
著發往黑龍江給官兵爲奴遇赦不赦以示懲儆餘依議○諭前據給事中洪良品奏駐藏幫辦大臣訥
欽於上年十一月請訓至今尙未出京等語當經令兵部該旗查明具奏茲據先後覆奏駐藏大臣赴任
尙無定限並據該大臣呈稱於請訓時奏明擬於正月內出京秋間入藏便於通行等語西藏事務關係
緊要幫辦大臣訥欽卽著迅速起程赴任毋再遲延

二月丁未祭 先師孔子廟道熙敬恭代行禮○諭理藩院奏蒙古郡王等捐輸銅幣銀兩請有分別獎
勵一摺四子部落郡王勒旺諾爾布頭等台吉勒沁旺楚克情殷報効洵屬急公勒旺諾爾布之第二等
台吉圖布沁色楞濟靈戴花翎勒沁旺楚克著賞給鎮國公銜○戊申祭 社 稷壇 上親詣行禮○
日人取我牛莊○電 諭與照瑗許景澄致英國大君主法國大總理暨天德朕現定派大學士李鴻章
赴日本與商停戰定約以全民命息爭端案諭 貴國以保平安爲心希設法力勸總以公道議和爲望
○己酉諭巡視南城御史秀林等奏刁商恃符挾制咆哮請旨辦理一摺武舉李福明在東便門外開設
機器磨坊前經都察院奏准飭令撤去該商人違抗不遵恃符狡展並敢率黨數十闖關官署實屬異常
刁狡武舉李福明業經該城拿獲著卽行斥革交刑部照例治罪以儆刁頑餘依議該部知道○諭順天

府奏知縣緝捕不力請旨懲處一摺順天府順義縣唐子頭村西王路村等處於旬日之間迭出搶劫之案並有鎗傷事主殺死一家二命情事兩案相連均未破獲實屬捕務廢弛順義縣知縣周兆贊著先行摘去頂戴勒限嚴緝以示懲儆該部知道○李鴻章奏 欽奉 諭旨作為頭等全權大臣與日本商定和約當即趨程督京仰蒙 召見三次 海示周詳莫名欽感連日據美使田貝函稱日本來電中國另派大臣議和除先允償兵費並朝鮮由其自主外若無商讓地土及辦理條約畫押之全權即無庸前往等語迭與王大臣等會議均以敵愾甚著注意尤在割地現在事機緊迫非此不能開議當經總理衙門函覆田貝以日本電內欲商各節均有此全權責任尚未接准復電頃軍機大臣恭親王等傳奉 皇上面諭予 臣以商讓土地之極國 命之餘曷勝悚懼竊以中國壤地固難輕以與人至於戎狄窺邊古所恆有唐虞河漢之地而無損於憲武之中興宋有遼夏之侵而不失為仁英之全盛徵以西國近事嘗法之戰迭為勝負即且有割讓疆場之事一彼一此但能力圖自強之計原不嫌暫屈以求伸此次日本乘展勝之勢逞無厭之求若竟不與通融勢難解紛紆急詳聞日本致田貝兩電於兵費及朝鮮自主兩節均認為已得之利而斷斷爭執尤在讓地一層惟論形勢則有要散論方域則有廣狹有暫可商讓者即有礙難允許者 臣必當斟酌輕重力與辯爭所慮者會議之初先議停戰西例祇有議停數日或一兩旬

之案設磋商未定而停戰期限已滿彼仍照舊進兵直犯近畿又當如何處置至兵費雖允償還多寡懸殊亦須從容商定數目其所云日後日本想有別事應行整辦包藏非止一端並當相機迎拒但能爭回一分卽少一分之害伏念此行本係萬不得已之舉 皇上軫念生靈不恤俯從羣議臣受 恩深重具有天良苟有利於 國家何暇更避怨謗惟是事機之迫關係之重轉圜之難均在朝廷洞鑒之中臣自應竭心力以圖之倘彼要挾過甚固不能曲爲遷就以貽後日之憂亦不敢稍有游移以速目前之禍敵情最爲兇悍倘於臣將行之時既往之後遽以大股北擾應如何密爲籌備之處 聖明自有權衡此則區區之愚尤不敢不預爲顧慮者也 臣俟日本覆電定在何處會議卽行出都取道天津乘輪東渡再求面聆訓誨俾有遵循 上諭軍機大臣等李鴻章奏遵旨與日本議約預籌大略情形一摺據稱倭人注意尤在讓地一層事機緊迫非此不能開議擬就形勢方域斟酌輕重力與辨爭此外所求非止一端並當相機迎拒等語此次特派李鴻章與日本議約原係萬不得已之舉關係之大轉圜之難朝廷亦所洞鑒該大臣膺茲鉅任惟當權衡於利害之輕重情勢之緩急通籌全局卽與議定條約以紓宵旰之憂而慰中外之望實有厚期焉將此密諭知之○庚戌日人取我營口○出使日本議和大臣張蔭桓邵友濂回國○諭前據御史鍾德祥奏參上駟院卿增潤與福森布及郎中錫麟扶同作弊等情當經諭令懷塔

布確查具奏茲據查明覆奏上駟院員外郎景昌選就敘補衆論不服該管堂官雖無賄託實據惟於陞補人員班次並不擬定章程且請補摺內亦未逐細聲明究屬疏漏該管堂官及郎中錫麟均著交部議處已補員外郎景昌著卽行開缺歸內務府以員外郎候補所遺之缺著該堂官另行揀補並著妥議升補章程奏明立案調署上駟院郎中內務府郎中錫麟既被指摘著咨回原衙門當差上駟院喂養馬匹應領草價銀兩錫麟與廐長熾昌尙無扣成情弊惟熾昌係屬廐長兼管御駟圈與奏定章程不符著卽將熾昌兼圈差使開去另派司員辦理至五圈馬匹該堂官開銷摺內現存馬五百一十一匹而該院覆文內稱現計馬數共一千一百零一匹究竟因何數目不符之處著巴克坦布福森布增潤明白回奏○諭御史蔣式芬奏前請飭武舉李福明捐修木路以代海運昨知李福明被南城御史參奏其人不安本分顯有明證自悔未暇細訪據實具陳等語科道各官原許風聞言事惟必須詳確訪查核實具奏已革武舉李福明私開機器磨坊前據御史鍾德祥陳奏極稱其便詞經都察院查明飭禁輒敢抗違不遵滋鬧衙署似此不安本分之徒豈得濫行保奏嗣後言官條陳事務當訪查確實方可登諸奏牘不得以傳聞無據之辭率爾陳奏以杜流弊○辛亥諭本年輪應查閱山西陝西四川甘肅等省營伍之期山西卽派張煦陝西卽派鹿傳霖四川卽派譚鍾麟甘肅卽派楊昌濬認真查閱各省營伍關緊要國家養兵戡

需鉅款原期一兵得一兵之用近來各省循例校閱往往視為具文以致武備漸行廢弛殊非朝廷整飭戎行至意茲特申諭各省督撫務當認真簡校如有技藝生疎老弱充數及軍實不齊等弊即將該管將弁按律嚴懲不得稍涉瞻徇另片奏河南南陽歸德河北三鎮營伍請補行查閱等語著派劉樹堂認真校閱○諭巴克坦布等奏遵旨明白回奏一摺據稱上駟院郭什哈五圈馬匹除內養馬五百一十一匹外其餘各項馬共五百九十四匹核之原奏一千一百零一匹數目尚屬相符等語是否屬實著巴克坦布等於今年春間公同查驗時將五圈喂養各項馬匹數目分晰具奏以昭核實○甲寅諭軍機大臣等此次賊竄牛莊湘軍初次接仗輒即敗退吳大澂身為統帥徒託空言臨敵疏於調度致損軍威未慶以牛莊失守率軍回救田莊臺致賊乘虛襲踞營口未慶吳大澂自請嚴議均屬咎無可辭姑從寬改爲交部議處以示懲懲○諭李秉衡奏參文武各員請旨懲儆等語山東平度州知州茅恩綬於應付兵差軍餉藉端苛派追問信撤任並將嚴飭置之不理亦不支應兵差署臺莊營參將陳佑和短缺防兵額數扣口糧均著即行革職精健右營管帶官俞樸趙正元經該撫派赴登州防營臨期請假藉詞推諉著以都司降補以示懲儆餘著照所議辦理該部知道○以陳旭爲江南蘇松鎮總兵○乙卯日人取我田莊臺○祭關聖帝君廟上親詣行禮○追予前廣西巡撫潘鼎新於安徽本籍建祠○張之洞因臺灣孤

危擬向英借鉅款以贖作押英保釐若仍不允或更許以在臺開礦一二十年由電奏陳得 旨臺灣
作押借款藉資保衛一節有無確實辦法著詳細電復○內辰追予前四川提督周達武於四川建祠○
戊午諭軍機大臣等御史鍾德祥奏京城內外城池地面棍徒衆多請飭拿辦一摺棍徒糾衆搶劫最爲
地方之害著步軍統領衙門順天府五城御史按照摺內所指各犯確切訪查若果實係著名匪徒卽行
拿獲送交刑部懲辦以安良善原摺均著摘鈔給與閱看將此各諭令知之○諭禁門重地理宜嚴肅前
因值班官兵稽查不力閒雜人等擅自出入迭經降旨申禁第恐日久懈生特再行申諭兩翼前鋒八旗
護軍各統領嚴飭該官兵等隨時認真查察實力奉行不准閒人任意來往倘有不遵約束之人卽行查
拿究辦以重門禁○己未追予故浙江巡撫崧駿於江蘇建祠○壬戌諭軍機大臣等有人奏山東蓬萊
縣知縣胡燏棻素性貪污以幕友王賓家丁侯二等爲爪牙勾通訟棍恣意妄行藉案勒索於張篤漢陵辱
獄長及棉花船遭風二案均有得賄情事又紳商求禁私錢不予允准民間買賣田產勒加稅銀並有王
賓等勾串訟棍偷賣倉穀各情請飭查辦等語著李秉衡按照所參各節確切查明據實具奏毋庸稍涉
徇隱原摺著鈔給閱看將此諭令知之○依克唐阿奏光緒二十年十二月二十九日准總理衙門電開
本日奉 旨依克唐阿十九日電奏已悉榮和所稱李樾等自帶土著獵戶二千人投營効力等語著

看此項義民果能得力卽准其隨營調遣且須按名查明來歷以防奸宄涇跡滋患欽此奴才跪讀之下
仰見 皇上厲念軍營無微不至莫名欽感卽飭傳營務處按名查清來歷實係土著均稱甘願隨營効
力攻剿之際亟宜按照營制編成四營附入敵愾新軍俾資歷練不可漫無統攝惟前敵日用昂貴該營
戶等既與各營同資禦侮卽未便稍涉歧視致令偏枯轉失 聖主激勵義民收拾人心之意所有此項
兵勇均於到營之日按名發給小口糧現已於二十一年正月初一日悉照各營章程一律開支月餉以
昭公允又奴才原帶各廠僅有礮隊二哨今奉 旨撥來神機營及江省運解礮位亟應募兵添足三哨
編成一營以資攻戰除將新編五營餉精及礮費馬乾等項咨部立案外理合恭摺具報下部知之○癸
亥諭軍機大臣等有人奏接縣補用都司武生李承卿勾引匪徒王作仁等數百人聚集海濱號以網魚
爲業強奪地畝淫掠婦女附近鄉莊受其荼毒請飭究辦等語現值海氛不靖匪徒乘機滋事亟應密速
捕拏消息未萌著李秉衡飭屬將李承卿等首從各犯嚴拿務獲懲辦以靖地方原片著鈔給閱看將此
諭令知之○諭前因吳大澂身爲統帥徒託空言疎於調度業經交部議處著卽撤去幫辦軍務來京聽
候部議○乙丑諭軍機大臣等有人奏江西恩借民款章程於部議各條外多有增改不肖州縣威嚇刑
騙多方逼抑甚至貧富顛倒索賄開除又向出借紳民需索無名之費弊端百出謗議頻興等語所奏如

果屬實殊屬不成事體著德馨確切查明如有前項情弊卽行指名嚴參毋稍徇隱又另片奏江西宜黃縣知縣吳大悼貪污恣縱罔恤人言等語並著德馨按照原參各節分晰確查據實覆奏原片二件均著鈔給閱看將此諭令知之○丁卯朔 日於東郊遣凱奏恭代行禮○諭軍機大臣等有人奏特參欺誣庸劣之大員一摺據稱山海關副都統宜貴嗜利無恥罔顧廉隅開列貪劣之跡七款請飭查辦等語著劉坤一確切查明據實具奏勿稍徇隱原摺著鈔給閱看將此諭令知之○己巳日人取我澎湖○命溥善汪鳴鑾承修 東西陵工程○庚申胡燏棻奏此次訓練新軍一切操練章程均按照西法辦理則一切行軍應用器具自不能不按照西法購備近年火器猛烈兩軍對仗皆用伏擊鎗兵隨地掘溝礮兵隨地築壘必須隨帶鐵鍬出隊之後或包抄後路或虛擋前鋒或策應首尾或伏遏險阻往往再接再厲連日不懈所有應用乾糧子藥及擦鎗之油止渴之水亦必須隨帶背包皮袋鐵壺等物以便取攜至晝夜行軍則用孔明燈以爲引導偵探敵蹤則用千里鏡以測遠近他如行軍電綫行軍法律凡有利於軍實均應先事預備隨地安設此爲從前軍需則例之所無而實今日戰陣之所不能省現在前敵及後路防軍均知鐵鍬爲行軍要件分向糧臺領取提督聶士成躬親前敵昨與晤商亦謂各項器具斷不可少現臣所練十營與聶士成一軍均已照式購置惟需款雖不甚鉅而事屬創辦勢難以成例相繩自應預爲

陳明將來據實開報決不敢稍有浮冒自干咎戾得 旨該部知道○庚午李鴻章電致總理各國事務衙門二十三晨抵馬關係派全權伊藤陸奧亦至約期會晤二十四中齋集公所互閱敕書妥協伊陸兩住船不便諄請移寓公館預備整潔允明日暫移以便就近議事兩請先停戰意似游移約二十五再會議並開所索條款容續電聞伊藤言別來十年中國迄未改變成法以至於此同爲抱歎探知前六七日有運兵船多隻出馬關約五千人云往澎湖臺灣確否遼滬榆關軍情若何乞示請代奏又電頃曾議伊藤等交到停戰要款云日本兵應佔守大沽天津山海關所有城池堡壘我軍駐各處者應將一切軍需交與日本軍隊暫管天津至山海關鐵路由日本軍務官管理停戰限內軍事費用應由中國支補如允以上各節則停戰限期及兩國兵駐守劃界及其餘細目再商等語要挾過甚礙難允行伊限以三日卽覆又詢所索條款伊謂已預備俟此議覆到再給閱商看來昨添調出口之兵仍恐赴北將分攻榆關津沽請密飭各軍嚴備堵剿爲要乞代奏速候電覆 上諭軍機大臣等李鴻章兩電均悉第二電中未載辯論之詞不知日內又有續議否閱所開停戰各款要挾過甚前三條萬難允許必不得已或姑允停戰期內認給軍費但恐祇此一事仍難就範昨令奕劻等與各公使面商均以先索和議條款爲要可告以中朝既允議和無不推誠相與可允必允無須質當其停戰期內認給軍費一節可以允許若彼仍執

前說則以難允各條暫置勿論而向索和議中之條款務將朝廷誠心議和之意切實講論婉與磋商總以先得議款爲要與有辯論續電提要以聞各國公使中俄德英三處均已致電本國矣再此和款尙未交到李經方熟悉彼中情形諒能得其底蘊宜如何密籌釜底抽薪辦法使和議不至中梗應飭該員盡力爲之此數日內各海口尙無警信該大臣電求數語大意已諭劉坤一王文韶知之○諭軍機大臣等御史李念慈奏永平遵化兩處十屬州縣去年被水甚重訪查該處近來情形一村之中舉火者不過數家有並一家而無之者轉徙流離懦弱者闖入人家就食兇悍者結夥成羣專搶囤積名曰分糧竊恐嘯聚日衆逃勇潰卒涸跡其間致滋事端請飭長蘆運司籌借銀兩辦理平糶局等語覽該御史所奏該處災情甚重殊深軫念著王文韶酌度情形應如何籌款解濟分別賑糶以恤災黎而弭隱患卽行迅速辦理原摺著鈔給與閱看將此諭令知之○諭上年畿甸地方迭被水災玉田灤州樂亭等州縣災情殊重閭閻困苦異常朝廷軫念災黎經發帑撥濟寬籌撫恤因思辦賑全在地方州縣得人庶不致有名無實刻下近畿一帶兵差絡繹青黃不接爲日方長著王文韶揀派委員查勘籌催款項將玉田灤州樂亭等處分別被災輕重速爲賑恤並嚴飭各地方官加意撫綏核實散放其有玩視民瘼假手吏胥致滋弊端者從嚴參處用副朝廷念切民依之至意○諭巡視中城御史齊蘭等奏五城借操差委人員請飭部詳

定據補章程一摺著吏部酌奏另片奏查明覆盜出力紳士獎賞保捐縣丞職銜底案請仍照原保給
將等語著照所請該部知道○瑞洵奏我 朝德祐忠靈 恩渥飾終凡遇文武諸臣宣力盡命 特准
建祠致祭褒揚偉烈風示臣民其盛典也自非勳勞在 國遺愛在民大節凜然誠未容濫膺薦薦去年
三月初五日禮部奏駁已故提督王化成毋庸立傳附祀一摺欽奉 上諭史館立傳及專祠附祀原以
褒揚功績昭示來茲既據禮部奏稱王化成並無殊勳異績可紀所請立傳附祀之處即著毋庸置議欽
此仰見我 皇上綜核名實之至意欽佩莫名奴才伏查昭忠功臣專祠 國初僅於 京師 敕建厥
後漸及直省並皆出自 特旨矜重異常至於今日籲請之疏充棟汗牛蓋亦幾乎僭竊矣核其志行非
盡死事仗節之忠勳肆其鋪張不遘察吏整軍之事蹟且有文筆平書不工粉飾者直以尋常應盡之職
謂爲經世罕見之功一似文臣但辦一事武臣但打一仗即可勒之鼎鐘率以俎豆者劣紳附勢而具呈
大吏徇情而妄奏致以崇德報功之鉅典祇成酬恩市惠之私圖倘使魂魄有知叨冒馨香亦必愀然不
安汗顏泉壤奴才櫛昧以爲專祠之典宜待有功屆茲大難未靖尤恃此以激勸戎行培養節氣若以循
分供職照例辦事之員與著績旗常畢命疆場者同享春秋之祀不惟無以杜天下詐僞之萌且無以爲
酬答功臣之地似宜量加裁制特示優崇若云政績昭著未忍就湮則名宦鄉賢成章具在及年題請亦

足以慰藉勤勞昭茲來許至若建立專祠終當出自 聖裁未容臣下徇私效尤籲請也相應請 旨嚴
加飭禁毋許擅陳並擬嗣後凡立祠者先祈 降付禮臣參考事功據實議奏 朝旨所許然後奉行庶
可以防遏無微顯彰實行我 皇上慎重禮祀傳爲臣者知 恩章之不可倖邀爭自濯磨竭誠以圖勵
建揚勵人材之道似亦行乎其間矣 上諭瑞澂奏各省請建專祠迹涉寬濫請旨飭禁一摺各省建立
專祠本係褒揚忠藎非有殊勳不能冒予馨香近來各督撫奏建專祠朝廷俯順輿情量加允准其有稍
涉冒濫者分別飭駁於褒獎功績之中仍寓考核名實之意若如該司業所奏請建專祠之案往往以職
分應爲之事率據空言呈請徇情入奏殊非崇德報功之本意嗣後各省督撫遇有呈建專祠之案務當
確切查核果係功績昭著方准據情入告毋得稍涉瞻徇濫行具奏以彰實行而重祀典○辛未諭兵部
奏遵議帶兵大員處分一摺宋慶統軍剿寇屢經失事嗣回歸田莊臺又未能力扼狂氛以致營口被襲
田莊臺亦不據守部議降二級調用實屬咎有應得姑念該提督卅五田莊臺未卽穩紮速行接仗所部
將士尙能殺敵致果因家裏不敵致有挫失吳大澂身爲統率徒託空言疏於調度初次接仗輒卽敗退
未應照部議降三級調用惟念其前在湖南巡撫任內疏請從戎勇於救難追奉命出關立即起行尙屬
勇往此次在莊失挫將士尙能力戰情亦可原宋慶吳大澂均著加恩改爲革職留任以示朝廷寬罰一

秉大公該部知道

光緒一百二十五

臣朱壽朋敬編

臣章圭璣恭校

三月壬申朔命吳大澂回湖南巡撫任○李鴻章電致總理各國事務衙門今申刻會議已將停戰攔起向索議和條款允於明午面交羅途忽有倭人持手鎗對鴻狙擊中左頰骨流血不止子未出登時斃絕伊藤陸奧均來慰問姑令洋醫調治此事恐不能終局矣再伊面稱現要攻取臺灣並聞請代奏又電昨夕面仍稍甦即致伊藤等以遇茲可悼之事翌午不能會議面聆約款擬令李經方屆時代往晤索頃陸奧來寓晤經方問疾交到覆函稱因此凶虐狂悖之事萬分憂愁舉國上下皆抱此情懷該大臣等應先奏明日皇難免稍有稽延俟可以知會李參議當迅速照辦等因並據密稱伊藤今早俟日皇派來御醫診傷後已乘輪親赴廣島稟商後日可回中堂身受重傷幸未致命中堂不幸 大清舉國之大幸此後和款必易商辦臨行復云請寬心養傷中日戰事將從此止等語無論是否確實語尙近情原擬條款或冀少減稍遲亦必送到鴻受傷時昏暈與中血滿襟袍元氣大傷幸部位恰當頰骨若上下半寸必即致命實仰託 聖主洪福諸醫診視再四子歛骨縫礙難取出皮肉醫痊約須月餘現惟靜養俟和款送到

再力疾妥議隨時電聞兇手已得俟其訊有端倪令伍廷芳前往看審促令重辦再頃陸奧送日后電旨因李中堂受傷特派看護婦兩名帶親製之綢帶前往云請代奏 上諭李鴻章二十八未刻電及李經方西戌兩電均悉覽奏殊深駭愕事機不順竟至於此李鴻章以逾七之年遠使異域受此重傷醫藥能否應手甦醒之後精神脈氣如何鎗子能否取出軫念之懷刻不能釋著李經方即時電覆和議條款允於今午面交著該大臣不克親往盼其將條款先行送交即日電達此節彼已經面允卽封送前來亦與面交無異彼正在理曲之時李鴻章據理與爭或不至終秘不與狙擊一事是否出自黨人抑別有指使設法確探以聞○丙子命李煥致祭 慕東陵○丁丑祭 歷代帝王廟道溥靜恭代行禮○己卯諭軍機大臣等河南歸德等府屬盜賊橫行迭經諭令劉樹堂查明飭拿茲又有人奏歸德府屬有曹州匪目岳二迷等各率二三百人在中集青柞集等處肆行搶劫並有燒殺人口重情永城縣賊目割地籠一股亦有數百人四去劫掠歸德鎮總兵楊玉哥不敢出城捕拿日久恐成巨患等語盜匪聚眾搶掠若不及早捕治必致養癰貽患著劉樹堂嚴飭地方文武查明匪首岳二迷等迅速捕拿解散脅從以期消患未萌總兵楊玉哥迭經被人多劾如實不能得力卽著據實參奏一面另委委員前往辦理毋得稍涉遷就貽害地方原摺著鈔給閱看將此諭令知之○諭光祿寺少卿田志庸奏請飭各省整頓捕務等語除盜

之原全在各州縣認真緝捕消除未萌若如所奏各州縣怠惰自安捕務廢弛出有盜案並不上緊躡緝盜風日熾甚或占奪衙署拒捕傷人則又規避處分諱盜不報馴至結黨成羣釀成巨案積習相沿殊堪痛恨著各省督撫嚴飭所屬州縣一體整頓捕務凡遇盜案一面稟報一面立即捕拿倘仍有諱匿不報情事即著嚴參懲辦如能剪除巨盜及拿獲鄰境盜匪准該督撫從優保獎以儆奸宄而安良善○房辰盛京戶部侍郎綿宜因病乞休允之○辛巳諭前因近畿一帶地方災歉業經迭降恩旨賑撫兼施因念各旗王公等府莊田應收租息若遇荒歉之年亦應體查備災輕重情形酌照內務府官莊章程自行蠲減以示體恤該衙門知道○壬午 上諭 奉先殿 游皇殿行禮○以良弼爲盛京戶部侍郎○山東濟陽縣高家紙坊漫口合龍○癸未予山東陣亡副將張章先等祭葬世職○予奉天陣亡提督楊壽山建祠總兵李仁黨附祀○甲申李鴻章電致總理各國事務衙門本日未正日本交到締和條約訂明第四日內未正回纥或將約內各款全行承允或將某款更行商酌等因第一款清國認明朝鮮確爲完全無缺之獨立自主凡有虧損獨立自主體制卽如該國向對清國所修貢獻典禮等嗣後全行廢絕第二款清國約將管理下開地方之權並將該地方所有堡壘軍器工廠及一切屬公物件永遠讓與日本第三下開劃界以內盛京省南部地方從鴨綠江口起溯該江流以抵三叉子從此向迤北暨一直綫抵榆

樹底下從此向正西畫一直綫以抵遼河從該綫與遼河交會之限起順該河流而下以抵北緯四十一度之綫再從遼河上溯綫起順此緯度以抵東經一百二十二度之綫再從北緯四十一度東經一百一十二度兩綫交會之限順此經度以至遼東灣北岸並遼東灣東岸及黃海北岸屬盛京省諸島嶼第二臺灣全島及所屬諸島嶼第三澎湖列島散在於東經一百十九度起至一百二十度北緯二十三度起至二十四度之間諸島嶼第三款前款所載及黏附本約之地圖所劃疆界俟本約批准交換之後兩國應各選派官員二名以上為公同劃定界綫委員就地踏勘確定劃界若遇本約所訂疆界於地形或治理所關有礙雖不便等情各該委員等當妥為參酌更定從速辦理界務以期奏委之後限一年竣事但過各該委員等有所更定劃界兩國政府未經認准以前應據本約所定劃界為正第四款清國約將庫平銀三萬萬兩交日本國作為賠償軍費該賠款分為五次交完第一次交一萬萬兩嗣後每次交五千萬兩第一次應在本約批准交換後六箇月之內交清所餘四次應與前次交付之期相同或於期前交付又第一次賠款交清後未經交完之款應按年加每百抽五之息第五款本約批准交換後限二年之內日本國准清國讓與地方人民願遷居讓與地方之外者任便變賣所有田地退去界外但限滿之後尚未遷徙者宜視為日本國臣民第七款日本軍隊現駐清國境內者附於本約批准交換之後三箇月

內撤回但須照次款所定辦理第八款清國爲保明認真實行約內所訂條款聽允日本軍隊暫行佔守
下開各處盛京省奉天府山東省威海衛日本查收本約所定應賠軍費第一第二兩次之後撤回佔守
奉天府軍隊次賠款交完之後撤回佔守威海衛軍隊但通商行船約章未經批准交換以前日本仍
不撤回軍隊所有日本軍隊暫行佔守一切需費應由清國支辦第十款本約批准交換日起應按兵息
戰云科士達擬請總署密告英俄法三公使現日本已將和局條款出示其最要者一朝鮮自主二奉天
南邊各地臺灣澎湖各島盡讓與日本三賠兵費庫平銀三百兆兩查日本所索兵費過奢無論中國萬
不能從縱使一時勉行應允必至公私交困所有擬辦善後事宜勢必無力籌辦且奉天爲滿洲腹地中
國亦萬不能讓與日本如不將擬索兵費大加刪減并將擬索奉天南邊各地一律刪去和局必不能成
兩國惟有苦戰到底以上情節并祈詳密告知三國公使至日本所擬通商新約詳細節目一時務乞勿
庸告知各國恐見其有利可誘彼將協而謀我云云鴻按第六款重訂通商新約節目甚多並添開口岸
北京沙市湘潭重慶梧州蘇州杭州七處皆各國願望多年不可得者容即續電請先核明代奏詳示又
電日本和約第六款日清兩國所有約章因此次失和自屬廢絕清國約俟本約批准交換後連派全權
大臣與日本全權大臣會同訂立通商行船章程及陸路通商章程其兩國新訂約章應以清國與泰西

各國現行約章爲本又本約批准交換之日起新訂約章未經實行之前所有日本政府官吏臣民及商業工藝行船船隻陸路通商等與清國最爲優待之國禮遇視視一律無異清國約將下開讓與各款從兩國全權大臣畫押蓋印日起六箇月後照辦第一現清國已開通商口岸之外應准添設下開各處立爲通商口岸以便日本臣民往來僑寓從事商業工藝製作等所添設口岸均照向開通商海口或向開內地鎮市章程一體辦理應得優例及利益等亦當一律享受一直隸省順天府二湖北省荊州府沙市三湖南省長沙府湘潭四四川省重慶府五廣西省梧州府六江蘇省蘇州府七浙江省杭州府日本政府得派領事官於前開各口駐紮第二日本輪船得駛入下開各口附搭行客裝運貨物一從湖北宜昌溯長江以至四川省重慶府二從長江駛進洞庭湖溯入湘江以至湘潭縣三從廣東省溯西江以至梧州府四從上海駛進吳淞江及運河以至蘇州府杭州府日清兩國未經商定行船章程以前上開各口行船務依外國船隻駛入清國內地水路現行章程照行第三日本臣民運進清國各口一切貨物隨辦理運貨之人若貨主之便於進口之時若運進之後按照貨物原價輸納每百抽二抵代稅所到地方勿論政府官員公舉委員私民公司及有何項設立之名目爲何項利益所有課徵抽稅鈔稅雜派一切諸費勿論其根由名目若何均當豁免日本臣民在清國所購之經工貨件若自生之物一經聲明係爲出

口以至山口岸運出之時除勿庸輸納抵代稅外亦照前開所有抽稅鈔課雜派一切諸費均當豁免除又日本船隻裝載清國內地所需經工貨件若自生之物運販清國通商口岸一經輸納口岸通商稅鈔除勿庸輸納進出口稅外亦照前開所有抽稅鈔課雜派一切諸費均當豁免除但逐時所訂洋藥進口章程與此款所定毫不相涉第四日本臣民在清國內地購買經工貨件若自生之物或將進口商貨運往內地之時欲暫行存棧除勿庸輸納稅鈔派徵一切諸費外得暫借棧房存貨清國官員勿得從中干預第五日本臣民得在清國輸納稅鈔及規費可用庫平銀核算外亦得以日本國官鑄銀圓照公定之價輸納第六日本臣民得在清國任便從事各項工藝製造又得將各項機器任便裝運進口止交所訂進口稅日本臣民在清國製造一切貨物其於內地運送稅內地稅鈔課雜派以及在清國內地寄及寄存棧房之貨即照日本國臣民運入清國之貨物一體辦理至應享優例豁免亦莫不相同第七清國約捕采專門熟練者之說務速審黃浦江口吳淞沙灘雖在落潮時亦須足二十幅深永勿任其阻塞若遇上開議與各節內有更須訂定章程者應於本款所定通商行船約章內備細載明云請飭總署迅速酌核應准應駁之處或摘要密商赫德速復但令不得告知各使又第九款本約批准交換後兩國應將是時所有俘虜盡數交還清國約將由日本所還俘虜並不加以虐待或置於罪戾清國約將認為軍事間諜或

被嫌速之日本臣民卽行釋放并約此次交仗之間所有關涉日本國軍隊之清國臣民概予寬貸並飭有司不得擅爲逮繫云此條似可酌准請代奏又電昨將駁覆說帖送交伊藤等令其接覆信稱所交說帖并非和約底稿逐條覆答之詞亦未將中國所欲允之意說明用兵以後所索之款非尋常議事可比望卽將約款能否全數應允或某某不能應允實在說明勿再延緩等語鴻查說帖大意於讓地一節言奉天南邊割地太廣日後萬難相安賠款一節言中國財力短絀萬辦不到非大加刪減不可通商權利一節言子口半稅減爲仙百抽二並將一切稅鈔豁除與各國定章不符又機器進口改造土貨運入內地免稅亦難准行以上已摘要登覆而彼嫌未說明所欲允之意注意僅在讓地賠款兩條實在著落若欲和議速成賠費恐須過一萬萬讓地恐不止登澎但鴻斷不敢擅允惟求集思廣益指示遵行停戰期祇展十餘日事機急迫求速代奏請 旨示覆爲幸 上諭軍機大臣等昨據李鴻章十一日電奏已將讓地一條由該大臣決定取舍電覆賠費通商各節應行磋商之處亦大概諭知茲復據十二日申刻電奏所交說帖但云奉天南邊割地太廣而於登澎如何置辯並未敘及電後又稱讓地恐不止登澎究竟說帖數千言中及面晤伊藤等時曾否辯論及此電語殊覺簡略總之南北兩地朝廷視爲並重非至萬不得已極盡駁論而不能得何忍輕言割棄縱敵願太奢不能盡拒該大臣但須將何處必不能允何處

萬難不允直抒己見詳切敷陳不得退避一言以割地一節歸之中有也該大臣接奉此旨一面將籌定辦法及意中所欲言者切實奏覆一面遣李經方前往先將讓地應以一處爲斷賠費應以一萬萬爲斷與之竭力申說彼信中原有某某款不允之語不嫌反覆辯駁也停戰期迫該大臣傷病未痊似與之商議展期在我亦屬有辭著李鴻章酌量辦理○乙酉諭前據御史鍾德祥奏京師地面棍徒衆多當經諭令步軍統領衙門順天府五城御史按照摺內所指各犯確切訪查茲據給事中德本等覆奏查明永定門外蕭松亭卽係史目蕭光耀該員尙無劣跡可指亦未經人控告等語仍著該城御史隨時查看倘有不職情事卽行參辦另片奏副指揮沈銘新巡緝操練認真請求請開復摘頂處分等語著吏部議奏○丁亥祭 先農壇 上親詣行禮○諭軍機大臣等將希夷所部勇丁因該營剋扣餉銀不服遣散聚衆毆打營官並在天津縣河東地方突開鎗礮居民紛紛驚避經胡燏棻前往彈壓許以發給欠餉移時始定剋扣之弊最爲軍營惡習迭經降有嚴禁乃將希夷之軍竟因剋扣幾致釀變人言嘖嘖必非無因似此情形殊堪痛恨著王文韶確切查明據實具奏○諭李秉衡奏查明威海失守死事各員情形一摺海軍左翼總兵劉步蟾記名總兵張文宣護理海軍左翼總兵楊用霖儘先都司廣東大鵬協右營守備黃祖蓮均能見危授命忠烈可嘉著照軍營陣亡例從優議卹至已革海軍提督丁汝昌總統海軍始終值

事前經降旨拿問獲咎甚重雖此次戰敗死綏仍著毋庸議卹該部知道○李鴻章電致總理各國事務衙門元申兩電奉 旨敬悉前據伊藤等專員來稱須先將某款應准應駁逐條切實聲明送交閱核方能約則會議現已據鄙見將原約各款酌改而將讓地賠費兩款提出另函請訂期會商並將擬駁原約各節詳細登報另備節略一併於今晚送交俟其回信如何方能面議澎湖已失昨接唐撫電敵未來犯軍民心固似可堅守鴻斷不敢輕允割棄已於另備節略中駁論及此但窺日意仍迷日由旅島運兵出口恐添赴臺將有南北并吞之志 旨飭讓地以一處爲斷極是正論自應如此立言不知將來能否辦到日原圖所劃奉天經緯綫度竟連遼陽田莊臺營口均包在內遼陽未失尙易辯駁此外日兵已據之地彼已設官安民極力爭論未易退讓可俟會議時察酌妥議似難由我預爲決定總之敵所已據處爭回一分是一分其所未據處絲毫斷不放鬆也賠費一節前說帖今節略內均將力難多措實情告之而伊等十二兩獨覓稱中國自家爲難之處并不在此次應讓之列狡強可知通商一節前後節略均令將稅則照各國一律添口僅先允重慶一處餘俟會議時再酌停戰期迫二十日後相機商展若彼不願議和恐難多展耳至蒙 垂詢傷病情形傷口已漸生肉精神尙可勉支惟眠食俱減未能照常若訂期會議當密授機宜令經方代往元四電達告知伊藤等但原約并未禁日船游弋海面請代奏又電前電

甫發伊藤專人請經方到瀋密談謂此次停戰由伊力持乃允各武員預備兵馬糧械齊足必欲分道直
攻北京再行議和現期已迫斷難再展經方即將現擬各款大略告知惟讓地賠費兩項須俟面議再定
伊謂此二款最爲緊要尊意欲將奉境全行收回萬做不到南北兩處均要割讓僅讓一處亦斷不行該
國已用兵費實係太鉅所索三萬萬即欲減少能減無幾此我國上下文武熟商而定特據實密告經方
與反覆辯駁迄不鬆口願將此兩款如何還價切實聲明方可再行會議箇中朝嫌我開價太大不欲商
行則我國另有辦法時日甚迫限於明日回信勿再遲延誤事等語經方祇得將原擬約款節略帶回另
辦鴻再四籌思時迫事急姑據鄙見將奉天之鳳凰樹安東寬甸岫巖四處邊境割讓海城俟後再說較
之伊所割經緯綫界已少大半澎湖既被佔據亦暫允讓賠費即遵電 諭以一萬萬應之明日再將約
稿送交看其能否轉圜會議後再詳晰電奏讓北地以海城爲止賠費以一萬萬爲止外儻彼猶不足意
始終堅執屆時能否允添乞預密示否則祇有罷議而歸停戰展期已絕望請飭各將帥及時整備爲要
請代奏 上諭軍機大臣等李鴻章十四日十五日電均悉所稱敵所已據處爭回一分是一分所未據
處絲毫斷不放鬆李鴻章於此事通籌熟計全局在胸駁論允許皆有步驟於朝廷規畫之艱庶能深相
體會閱之稍慰系懷至請預示允添之處卻難即時懸定仍在李鴻章相機因應視其情詞緩急以爲迎

拒之方彼既垂涎金州之威臺灣此利尤鉅該大臣現與力爭兩處土地能允固誓必不得已或許日以
礦利而土地人民仍歸我有此姑備一說無非爲保全境土起見伊藤口氣雖緊殆爲武員所迫觀其相
邀密語究似尙可與言總應以中東皆商大局攸關毋令西國攘漁人之利所索條款往返磋商正爲將
來不肯爽約承保和局地步令李經方將此意向其反覆開陳毋因無益費詞遂爾中止停戰展期仍當
以傷病未愈據情與商陸奧知照鞍山站一事已電諭長順等通飭各營勿得違約生事矣○王文錦等
奏本年二月二十九日接准天津海防支應局照會奉署北洋大臣王文韶劄准兩江督臣劉坤一咨准
督辦軍務處據兩江督臣劉坤一咨呈奏陳事宜八條內請給津貼一條誠輔及關內外兵勇一律津貼
米價四成一俟覆准卽由本大臣咨行查照辦理等因應卽照准咨行查照轉飭遵辦等因准此自應遵
照新章自本年二月分各營加給津貼四成米價所有正月分應加四成米價亦一律補還各營將領面
當共體時艱認真經理乃管帶津勝中軍右營儘先副將羊洪順於開放二月分正餉並未發給四成米
價臣克忠查出始行補放臣等查糧餉關係極重不容絲毫短少關外前敵餉事未始不由於此該副將
羊洪順膽敢少發四成米價追經查出始行發放雖非實在扣留而出納之吝卽已形其貪鄙之懷效臣
等因操防緊要所有移營築壘不敢盡勞兵力添雇民夫以資幫助仰體 朝廷愛惜士卒之心尙不時

七

能辭咎著一併交部議處餘著照所議辦理該部知道單併發○諭裕祿奏查明營口等處失事情形分別參辦並自請議處一摺本年二月間營口記名提督蔣希夷帶領各營並未迎戰節節退縮致投報戰狀任意欺飾厥咎甚重蔣希夷並所部各營副將蔣廣榮參將鄧朝印都司桑友良守備曾自來趙玉龍均著一併革職卽著王文韶拿解刑部分別治罪游擊喬幹臣守備袁珍派守營壘未能實力守禦以致失陷均著革職解省按律治罪記名總兵顧占鰲都司王德慎都司用守備徐煥林因寒寒不敵相率敗逃亦屬咎無可辭著一併革職仍令帶罪圖功以觀後效試用同知署營口海防同知蔣樹森甫經到任惟地方被陷亦難辭咎著交部議處回任奉錦山海道晉聯守禦不力督率無方前據奏自請嚴議已有旨著降一級留任仍著交部照例議處盛京將軍裕祿身任地方籌防未能周密著交部議處另片奏請將逗遛潛逸之葛文等革職等語錦州正白旗佐領密文候補知縣高嘉禾復州知州金卓勳均著卽行革職以示懲儆該部知道○賞給五城煮賑米石○己丑李鴻章電致總理各國事務衙門申正伊藤約同會議暫停戰期迫近將約款酌減改定萬勿再有移易內開一讓地劃界從鴨綠江口起溯至安平河口又從該處迤至鳳凰城海城及營口劃成折綫以南地方所有各城市邑皆包括在界綫內并遼東灣東岸及黃海北岸盛京所屬各島嶼又登瀛全島及所屬諸島嶼又澎湖列島照英國東經一百十九

度起以至東經一百二十度及北緯二十三度起以至二十四度之間諸島嶼鴻查所劃界寬甸已不在內營口至金州均在界綫之內一中國將庫平二萬萬兩賠償日本軍費分八次交清第一第二次各交五千萬兩在本約批准交換後起每六箇月交清一次其贖款約六年內分交仍按十二箇月算交一次又從交付賠款第一次起未經交完之款按年加每百抽五之息但中國無論何時可將應賠之款全數或幾分交清照算免息一保明認真實行約內所訂條款九日本軍隊暫佔守威海衛又於所訂第一第二次賠款交清通商行船約章批准交換後兩國政府商定辦法將通商各口關稅作為贖款本息之抵押日本允撤回軍隊倘不確定抵押辦法則未經交清末次賠款之前日本應不允撤回但通商行船約章未經批准交換以前雖交清賠款仍不撤回軍隊所有日本軍隊佔守一切需費應由中國支辦以上三條伊藤聲明此係文武熟商再三核減盡頭辦法請三日內回信兩言而決能准與不能而已鴻與反復辯論兩點鐘之久毫不活動看其口氣過緊求復申論營口為通商口岸萬不能讓伊云兵力所得舉國咸爭我亦不能讓鴻云臺灣日本兵所未及何不能讓伊云彼水陸雲集無慮終不能得應請早讓賠款二萬萬鴻勸其再減五千萬亦堅不允似此乘勝貪橫悍然不顧實非情理能喻伊請三日回信備不准定即添兵廣島現泊運船六十餘隻可載兵數萬小松親王專候此信即日啟行鴻力竭計窮懇速請

旨定奪再東文約條尚未細編大致於通商添口重慶沙市蘇州杭州四處已減三處原約第三條稅則亦自刪去餘俟查明續電望速核酌電覆爲幸請代奏又電頃細編伊藤昨改訂第六款通商除刪去順天湘潭梧州添口外餘四處照舊蘇杭生意尤已歸滬似無甚礙又將原約通商第三條所稱進口出口每百抽二抵代稅概行刪除係因連日辯論通例正半稅不容減改故自行刪去而將第四第五第六原條向前移置其第七條疏浚吳淞江亦刪現約通商共祇五條可無甚駁改又原約第八款留軍佔守奉天府亦經駁刪僅暫佔威海衛一處其留軍隊需費議在償款內總算伊仍不允應俟事定詢明人數再議再諫電奉 旨敬悉金州已據回難爭回彼垂涎臺灣甚久自非允以礦利所能了事伊等驕狂太甚屢以西人懷利開導端不爲動經方亦無能解說英已坐視未知俄廷意見何如請代奏又電頃接伊藤函稱昨呈所改約款實係末尾盡頭辦法務祈四日內切實回覆前交節略所稱中國爲難情形我已細看細想故跌至無可再減之處賠款減三分之一分期交款較長留軍佔守減去奉天一處賠償贖款抵押不指地而指關稅不提內地釐稅不提挖吳淞此皆使中國易於籌款便於償費又減少奉天前案地界設戰事日進一日將來無所底止到那時再行議和斷不能如此便宜等語鴻思所索各款惟臺灣日兵未到即欲相讓無理已極斷難輕允然伊昨面談語已決絕今又來此函似是哀的美敦哥應如何應

付之處伏候速示遵辦請代奏 上諭軍機大臣等李鴻章十六十七兩日電奏三件均悉日本續送改定酌減條款雖通商各條所爭回者甚爲有益惟兩大款關繫最重賠費已減三分之一若能再與磋商減少若干更可稍紓財力讓地一節臺灣意欲全佔奉省所退無幾殊覺過貪前電姑許礦利該大臣慮其不允爲今之計或允其割臺之半以近澎臺南之地與之臺北與廈門相對仍歸中國奉天以遼河爲三省貿易出海之路牛莊營口在所必爭著該大臣將以上兩節再與竭力辯論冀可稍益大局伊藤連日詞氣極迫備事至無可再商應由該大臣一面電聞一面卽與定約該大臣接奉此旨更可放心爭論無虞決裂矣○張之洞等奏太倉州屬崇明縣東南一帶海岸被風潮衝塌近城垣勢甚危險先經飭司委員會縣勘估亟籌堵築以資保衛估需經費銀一十二萬一千餘兩經臣奎俊會同前督臣劉坤一先後奏明飭由兩淮運司及江海鎮江兩關並督後局蘇藩司分起籌解督辦工程江蘇候補道劉麒祥兌收核實支用在案茲據署蘇松太道劉麒祥詳稱督同印委各員按照原估參用西法購料興工自光緒二十年二月間開辦起至八月初旬一律工竣共用過工料等銀一十一萬三千七百六兩零較原估節省銀七千二百九十餘兩委係撙節動用並無浮冒奏委驗收如式亦無草率偷減情事先後取其保固年限甘結繪圖造冊詳請奏咨前來臣等查崇明縣海岸要工關繫城垣民命若不及早興築將來愈

坊愈近其愚不堪設想上年春間上查俊親往查勘力籌堵築奏准撥款興工總計工長五百六十餘丈據報共用銀一十一萬三千七百餘兩較原估尤爲節省委係實用實銷並無浮冒下部知之○辛卯諭前據御史謝希銓管廷獻先後奏參兩廣總督李瀚章玩泄營私及總兵楊安典署副將黃金伏道員陸維祺楊文駿知縣潘大誠等以節經諭令馬丕瑤一併確查茲據查明擬奏此案李瀚章被參各節或查無實據或並無不合卽著毋庸置議惟該督年力就衰前因病奏請開缺當經賞假一箇月著加恩准其開缺回籍調署雷瓊道楊文駿出入督署不避嫌疑酷輕徇庇難居民上瓊州鎮總兵楊安典漁利擅權物議紛騰嗜好太深不堪造就仰予革職不足蔽辜楊文駿楊安典均著革職永不敘用新會縣知縣潘大誠才具平庸署南韶鎮總兵黃金伏奔走附合武備懈弛均著開缺由省查明仍交部議處補用道陸維祺取巧躁進屢招物議著卽行革職以示懲儆餘著照所議辦理馬丕瑤此次查辦事件尙屬認真所有廣東地方吏治民生一切事宜該撫務當盡心整頓切實籌辦以副委任該部知道片併發○召繼格來京○前浙江提督歐陽利見卒予祭葬戰功事蹟交國史館立傳○釋回軍臺効力人員○李鴻章電致總理各國事務衙門頃接電奉 旨敬悉伊藤十七晚送到真的美敦書詞已決絕無可再商昨雖覆函略加駁論必置不理卽使會晤再行磋磨割臺之半與之亦必不允一爲兩國分治口舌既多後患

引大至秦省劃界至營口牛莊已不在內營口水利豈能遠舍此皆不妨辨論及之實恐難望轉圜且停戰第六款內稱如期和議決裂此約亦中止云若議不合必至決裂察看近日日人舉動已遣運兵船二十餘艘由馬關出口赴大連灣並令法美觀戰探事人隨隊往前敵其意可知恐非卽與訂約不可不得不先奏明又電頃派伍廷芳往伊藤處告知總署已電飭前敵將帥勿再違約據伊而稱華軍不諳公法動輒妄爲恐不待停戰期滿已先開仗並催允定和約復信謂廣島已派運兵船三十餘艘出口赴大連灣小松親王等明日督隊繼進若再商改約款故意遲延卽照停戰款內和議決裂此約中止辦法等語是其愈逼愈緊無可再商應否卽照伊藤前所改訂條款定約免誤大局乞速謂 旨電飭遵辦 上諭軍機大臣等李鴻章十九日電均悉十八日所諭各節原冀爭得一分有一分之益如竟無可商改卽遵前旨與之定約○額勒和布等奏 臣等籌辦各營有常年分季進呈之各傳志有積年編纂一次之書一臣工列傳及 皇清奏議長編總檔文武大臣年表近年又有奏准添辦之儒林文苑循吏孝友等傳凡茲種種稿本既成之後鈔胥之役尤繁全賴謄錄各員踴躍從公方得按期實效近年吏部送到謄錄員數既已寥寥其業據咨送者又或永不投到或甫經到館隨即告假實在入館當差者不過十之二三是

以光緒十五年至十九年五年考課所有謄錄員數不及往屆四成之一此五年中雖經實成提調督飭

供事等計法纂繙幸無貽誤惟屆纂書手既非館中體制亦非經久規模現在查一臣工列傳及儒林文苑循吏孝友等傳稿本業將過半專候續寫 皇清奏議長編總檔大臣年表諸書亦須次第接修而常年功課尤屬有關考成不容刻緩若不設法鼓舞屬竭職分查曆錄之裏足不前者以近來議敘人員選輪滯滯所得官階有名無實又自方略館曆錄有超等功課議敘實職兼予分發選舉超之現在方略既成此途雖截而會典館奏請開辦之初曾經聲明議敘准給分發獨臣館曆錄雖有從優議敘之案亦無給予分發之條同一寫書未必於會典則勞於史館則逸而議敘則高下迥殊此其所以視為畏途也竊思臣館除常年功課五年議敘一次外並一傳書成向准從優保獎曆錄由部從優給予議敘其奏議年表二書每屆告成亦援並一傳成案給獎凡書在二百卷以上者均照此辦理今擬酌量變通將曆錄一項核減員名責以兼人之功課書一傳與奏議年表等各項書籍告成時曆錄人員比較應屆請獎人數不得過五六成則是人數減少書籍加多其所辦功課加倍出力可知應卽列為超等援照會典節奏定議敘章程准其從優給予分發俾各曆錄知國史館與實典館事同一律自不至意存避就而於人數止有限制亦不致開冒濫之端應請 飭下吏部核議施行 上諭國史館奏曆錄不敷辦公擬案變通議敘章程以期踴躍一摺著吏部議奏○壬辰以郭寶昌為廣東南韶鎮總兵申道發為廣東瓊州鎮

總兵○癸巳諭前因已革提督蔣希夷所部勇丁在天津河東地方因欠餉滋鬧當飭令王文韶確查具奏茲據奏稱營口失守該軍並未力戰相率潰逃此次帶勇來津尙不妥爲遣散復敢虛冒餉額任意剋扣以致全軍譁譟幾釀事端蔣希夷前因營口失守經裕祿參奏業經降旨將該員革職拿解刑部治罪茲據王文韶所奏各節情罪尤重著刑部於該革員解到後履行審訊按律定擬具奏餘著照所議辦理○以德保爲廣州將軍○調譚鍾麟爲兩廣總督以鹿傳霖爲四川總督○甲午 上諭 奉先殿 壽皇殿行禮○李鴻章與日本全權大臣伊藤博文等在馬關議定和約十一款另約三款成其文曰 第一款 中國認明朝鮮國確爲完全無缺之獨立自主故凡有虧損獨立自主體制卽如該國向中國所修貢獻典禮等嗣後全行廢絕 第二款 中國將管理下開地方之權併將該地方所有堡壘軍器工廠及一切屬公物件永遠讓與日本 一下開劃界以內之奉天省南邊地方從鴨綠江口溯該江以抵安平河口又從該河口劃至鳳凰城海城及營口而止劃成折線以南地方所有前開各城市邑皆包括在劃界綫內該綫抵營口之遼河後卽順流至海口止彼此以河中心爲分界遼東灣東岸及黃河北岸在奉天省所屬諸島嶼亦一併在所讓境內 二臺灣全島及所有附屬各島嶼 三澎湖列島卽英國格林尼次東經百十九度起至百二十度止及北緯二十三度起至二十四度之間諸島嶼 第三款

前款所載及粘附本約之地圖所劃疆界俟本約批准互換之後兩國應各選派官員二名以上爲公同劃定疆界委員就地踏勘確定劃界若遇本約所訂疆界於地形或治理所關有礙難不便等情各該委員等當妥爲參酌更定 各該委員等當從速辦理界務以期奉委之後限一年竣事但遇各該委員等有所更定劃界兩國政府未經認准以前應據本約所定劃界爲正 第四款 中國約將庫平銀二萬萬兩交與日本作爲賠償軍費該款分作八次交完第一次五千萬應在本約批准互換後六箇月內交清第二次五千萬兩應在本約批准互換後十二箇月內交清餘款平分六次遞年交納其法列下第一次平分遞年之款於兩年內交清第二次於三年內交清第三次於四年內交清第四次於五年內交清第五次於六年內交清第六次於七年內交清其年分均以本約批准互換後起算又第一次賠款交清後未經交完之款應按年加每百抽五之息但無論何時將應賠之款或全數或幾分先期交清均聽中國之便如從條約批准互換之日起三年之內能全數清還除將已付利息或兩年半或不及兩年半於應付本銀扣還外餘仍全數免息 第五款 本約批准互換之後限二年之內日本准中國讓與地方人民願遷居讓與地方之外者任便變賣所有產業退去界外但限滿之後尙未遷徙者酌宜視爲日本臣民 又臺灣一省應於本約批准互換後兩國立即各派大員至臺灣限於本約批准互換後兩箇月

內交接清楚 第六款 中日兩國所有約章因此次失和自屬廢絕中國約俟本約批准互換之後速派全權大臣與日本所派全權大臣會同訂立通商行船條約及陸路通商章程其兩國新訂約章應以中國與泰西各國現行約章爲本又本約批准互換之日起新訂約章未經實行之前所有日本政府官吏臣民及商業工藝行船船隻陸路通商等與中國最爲優待之國禮遇視視一律無異中國約將下開認與各款從兩國全權大臣畫押蓋印日起六箇月後方可照辦 第一現今中國已開通商口岸之外應准添設下開各處立爲通商口岸以便日本臣民往來僑寓從事商業工藝製作所有添設口岸均照向開通商海口或向開內地鎮市章程一體辦理應得優例及利益等亦當一律享受 一湖北省荊州府沙市 二四川省重慶府 三江蘇省蘇州府 四浙江省杭州府 日本政府得派遣領事官於前開各口駐紮 第二日本輪船得駛入下開各口附搭行客裝運貨物 一從湖北省宜昌溯長江以至四川省重慶府 二從上海駛進吳淞江及運河以至蘇州府杭州府 中日兩國未經商定行船章程以前上開各口行船務依外國船隻駛入中國內地水路現行章程照行 第三日本臣民在中國內地購買經工貨件若自生之物或將進口商貨運往內地之時欲暫行存棧除勿庸輸納稅鈔派徵一切諸費外得暫租棧房存貨 第四日本臣民得在中國口岸城邑任便從事各項工藝製造又得將各項機

器任便裝運進口只交所定進口稅 日本臣民在中國製造一切貨物其於內地運送稅內地稅鈔課

雜派以及在中國內地沽及寄存棧房之益即照日本臣民運入中國之貨物一體辦理至應享優例豁除亦莫不相同 嗣後如有因以上加讓之事應增章程規條即載入本款所稱之行船通商條約內

第七款 日本軍隊現駐中國境內者應於本約批准互換之後三箇月內撤回但須照此款所定辦理

第八款 中國為保明認真實行約內所訂條款應允日本軍隊暫行佔守山東省威海衛又於中國

將本約所訂第一第二兩次賠款交清通商行船約章亦經批准互換之後中國政府與日本政府確定周全妥善辦法將通商口岸關稅作為剩款並恩之抵押日本可允撤回軍隊倘中國政府不即確定抵押辦法則未經交清此次賠款之前日本應不允撤回軍隊但通商行船約章未經批准互換以前雖交清賠款日本仍不撤回軍隊 第九款 本約批准互換之後兩國應將是時所有俘虜盡數交還中國

約將由日本所遺俘虜並不加以虐待若或置於罪戾 中國約將認為軍事間諜或被嫌連繫之日本

臣民即行釋放併約此次交仗之間所有關涉日本軍隊之中國臣民概予寬貸併飭有司不得擅為逮

繫 第十款 本約批准互換日起應按兵息戰 第十一款 本約奉 大清國 大皇帝 及大

日本帝國大皇帝陛下批准之後定於光緒二十一年四月十四日即明治二十八年五月初八日在煙

聚互換爲此兩國全權大臣署名蓋印以昭信守 另約 第一款 遵和約第八款所訂暫行駐守威海衛之日本國軍隊應不越一旅團之多所有暫行駐守需費中國自本約批准互換之日起每一周年照滿貼交四分之一庫平銀五十萬兩 第二款 在威海衛應將劉公島及威海衛口灣沿岸照日本國里法五里以內地方約合中國四十里以內爲日本國軍隊駐守之區 在距上開劃界日本國里法五里以內地方無論其爲何處中國軍隊不宜逼近或紮駐以杜生靈之端 第三款 日本國軍隊所駐地方治理之務仍歸中國官員管理卽遇有日本國軍隊司令官爲軍隊衛養安寧軍紀及分佈管理等事必須施行之處一經出示頒行則於中國官員亦當遵守 在日本國軍隊駐守之地凡有犯關涉軍務之罪均歸日本國軍務官審斷辦理 此另約所定條款與載入和約其效悉爲相同爲此兩國全權大臣署名蓋印以昭信守 乙未諭軍機大臣等御史達椿奏風聞張子方張銀堂又名張鑑秋等或侵吞稅課或窩藏盜賊或借勢訛詐或重利盤剝無惡不爲請飭拏辦等語著步軍統領衙門順天府五城御史按照所指姓名並所犯各節查訪明確提案訊辦但不得妄拿無辜致滋擾累原片著鈔給閱看將此諭令知之○調查倭爲陝西巡撫以趙舒翹爲江蘇巡撫○丁酉諭劉坤一奏待衛所部兵勇搶奪車輛滋擾市面請旨革職等語飭統神虎營之侍衛依勒洪阿剋扣車價致車輛聞風逃避該兵帶索無

度任令兵勇勒換銀錢種種擾累殊屬荒謬侍衛依勒洪阿著卽革職以示懲儆該部知道○諭御史李
念慈奏參山海關副都統宜貴貪劣各款當經諭令劉坤一查明覆奏茲據奏稱原奏該副都統巧立名
目恣意開銷各節雖查無確據惟奉旨添練新軍輒以額兵添數請隊頂充已屬不合至勒派免閱操費
開索行旅錢文實屬罔利營私貪婪無恥宜貴著卽革職發往軍臺効力贖罪山海關督糧通判夏詒垣
支發兵米按照定章亦無饋送宜貴銀兩情事卽著毋庸議餘著照所議辦理另片奏請飭山海關副
都統衙門革除積習等語嗣後行旅過關應仍照章稽查不得需索留難致滋擾累該部知道○諭松蒼
奏特參剋扣兵勇口糧各員請旨革職一摺雲南選用知州曾紹枚等管帶營勇扣餉不發雖經飭令補
發清楚未便稍事姑容所有管帶副右營選用知州曾紹枚管帶臨平右營副將銜補用游擊張顯福總
兵銜補用副將銜金斗著一併革職以示懲儆該部知道○調胡聘之爲浙江布政使以員鳳林爲山西
布政使趙爾巽爲安徽按察使○己亥廖壽豐奏准軍機大臣字寄光緒二十年二月二十七日奉
上諭御史楊晨奏浙江衢嚴台溫各衛津租銀兩奏准核減七成後胥役仍照舊徵收且因衛田散在各
縣册籍淆混惡胥有賄改包辦等弊地方官因非己事往往控訴不理請飭查禁等語吏胥違例徵收藉
端舞弊如果屬實大干法紀著廖壽豐確切查明如有前項弊端立即從嚴懲辦毋稍寬縱原片著鈔給

閱看等因欽此遵 旨寄信前來當經飭據藩司札委候補知府鄭言紹分赴該衛所調卷據提訊詳述
逐一分別稟覆以各衛津租關係銀錢出入必須澈底清查並訪問前項弊端以台州衛爲重卽該衛
史原奏亦有溫台尤甚之言因復添派候補知府王嶽前往確查並會同妥議章程以杜弊混而垂久遠
去後一面先將鄭言紹稟覆同案奉 旨飭查之定海民客互關辦理情形並移建松門健跳營繕竣工
駐防各緣由先行據實覆陳並聲明各衛所津租委員確查另行覆奏奉 硃批知道了欽此茲據該委
員等會同衢嚴台溫四府查得各該衛所津租銀兩前因兵燹後招徠未復丁佃疲累徵難足額於同治
五年經前撫 臣馬新貽奏請將溫台二衛津租以七折核減嚴衢二衛以八八折減收部議核准著爲定
額惟各衛所情形不同辦法亦未一律如衢州衛照額核計現完尙不足八八之數歷係儘徵儘解無可
弊混嚴溫二衛均按應徵銀兩減折銀價核計各符八八折及七折之數至台州衛亦係按照減折銀價
徵收惟未將銀價數目明白立案以致屯民疑有弊混且該衛屯田坐落臨海黃巖太平天台四縣與民
田錯雜兵燹之後冊籍蕩然清查丈量均不易辦惟有將津租銀價數目明示減定以期簡便而免弊端
擬請自光緒二十一年爲始台州衛應徵津租每兩折收錢一千六百文合該衛屯餉每兩徵錢二千二
百六十文適符七折之數從此永爲定式由府繕發告示分貼坐落各縣以期家喻戶曉並由府發給稽

徵循環簿飭令按月填報以憑稽核仍令該衛守備將串票逐張加蓋紅戳註明津租每兩減收錢文似此嚴定章程不致再滋弊端又遇過戶頂佃等事均有冊籍可稽並無包辦賄改之說台州一衛似坐各縣每年徵收屯租由衛弁派令書識單串分赴各屯設廠催徵此爲便民起見包辦之說或卽由此而起又例定衛田原不准私自買賣間有佃戶典替之事向衛書更換戶名舊佃有欠租者該書每令其清繳方爲更改事雖因公究屬近於措勑嗣後如有佃戶更換戶名所欠租銀應令前佃清理不得仍向接佃之人催繳儼敢仍蹈前轍卽行提府重懲至屯田每遇田土錢債細故向由衛官自行清理見有關礙命案卽歸所在有司審辦各該縣向無控訴不理之事各等情經批飭藩司趙舒翹糧道鄭嵩齡會核議詳請奏前來臣復查衛廠台溫四衛所津租經前撫馬新貽奏請分別減折徵收著爲定額經戶部議奏准行自應永遠遵守除衢州衛所現完尙不足八八折之數儘徵儘解外嚴溫二衛係照減折銀價各按八八折及七折徵收官佃相安應仍照舊辦理無庸置議台州衛應徵津租自奉文減折之後該衛未將徵租銀價歷年遞減數目隨時稟明立案致該屯民疑有弊混本屬不合惟據查明該衛徵租並無浮收實據且事經二十餘年官吏屢經更易自應寬其既往嚴禁將來現經酌定每兩銀價作爲一千六百文核與定額七折之數相符應如所議自本年一起卽照減定數目啟徵頒示曉諭永遠遵守官吏固不容

額外需索丁徭亦不得藉端抗違其屯佃更換戶名如有積欠租銀不准仍向接佃清繳以杜弊混經此次定案後倘衛所官吏有不認真經理別滋弊竇卽當隨時查察從嚴參處下戶部知之○庚子諭瑞洵奏各項保舉人員請申明定例等語朝廷簡用人才全在中外大員核實保薦方可收舉筆力之效乃近來臣工薦舉雖不乏可用之員而徇情濫保以致劣跡敗露者亦復不少殊乖以人事君之義竊通諭各部院及各省督撫等嗣後保舉人才務當秉公核實不准稍涉冒濫如保舉之員有犯貪劣不職者定將原保大臣交部查取職名照例參處以示澄敘官方至意

光緒一百二十六

臣朱壽朋敬編

臣章圭璋恭校

夏四月壬寅朔時享 太廟 上親詣行禮○諭軍機大臣等新定和約條款劉坤一王文韶想皆知悉
該地兩處賠款二萬萬兩皆萬難允行之事而倭人恃其屢勝堅執非此不能罷兵設竟決裂則北犯遼
瀋西犯京畿皆在意中連日廷臣章奏甚多皆以和約爲必不可准持論頗正而於瀋陽京師二地重大
所關皆未計及如果悔約卽將決裂苟戰不可恃其患立見更將不可收拾劉坤一電奏云戰而不勝尙
可設法撐持王文韶亦有葦土成等軍頗有把握必可一戰之語惟目前事機至迫和戰兩事利害攸關
卽應立斷若劉坤一王文韶體察現在大局所繫及各路軍情戰事究竟是否可靠各抒所見據實直陳
不得以游移兩可之詞敷衍塞責○癸卯諭給事中戴恩溥奏各省捐納分發花樣較小人員請暫免扣
限一摺著吏部議奏○兵部左侍郎巴克坦因病乞休不允予假一月調理○乙巳諭刑部奏革員蔣希
夷解送到京請旨辦理一摺蔣希夷應得罪名卽著刑部遵照前有嚴行審訊按律定擬具奏○以失守
蓋不營口等處予盛京將軍裕祿等降革有差○薩廉奏近聞因時局艱難開辦武備捐輸在 朝廷籌

餉救時自屬萬不獲已之計然必開辦始時立法盡善方能克收實效竊維綠營參游都守等職責任綦重自非曾蒞戎行恐未敢輕易嘗試則報捐必少漕衛守備千總兩項以武職兼理微賦稍知吏治者便能勝任職守較易則報捐者必多惟近來此兩項人員或在漕候補或在部候選竟有遲至十餘年不獲補選者往往而然似此情形恐將來報捐者仍不免觀望不前之虞查衛守備千總原設缺額亦云多矣而選補遲滯竟至如此推原其故皆由兩項實缺人員或扣俸滿年限太深或不按照定章俸滿送部致有此弊按衛守備定章十五年俸滿以都司升用千總五年俸滿以營衛守備升用乃近來每於俸滿後推故延宕不卽送部引見而千總甚至有二十餘年未經開缺者夫以兩項數十缺之多竟爾數年不出一缺候補候選人員未免向隅奴才愚見以衛守備十五年俸滿似爲過深可否酌減爲十年俸滿送部照例升用至衛千總亦請一律辦理如此稍爲變通將見出缺較速得缺較易將來報捐者必形踴躍或於時艱不無少補卽情理亦得其平 上諭國子監祭酒薩廉奏衛守備千總兩項選補遲滯請將實缺人員俸滿資深變通酌據一摺著兵部議奏○王文韶奏北洋水師自旅順威海劉公島先後不守全軍淪陷所有各營大小官弁其陣亡傷亡者自應詳細查明歸案請卹其失守船艦陸續來歸及在逃未獲者亦應分別職任之大小事理之輕重一體查參庶幾懲前毖後軍法不致全廢當經札飭海防支應局

新授天津道李興銳候補道劉啟彤會同在津司道詳查稟報以憑核辦茲據該司道等會詳稱北洋海軍員弁統歸提督節制調遣本年正月間倭人攻陷威海水師全軍艦艇困守劉公島一切戰守機宜應聽統將指麾調度惟濟遠等船管帶官林國祥蔡祖珪等均管帶兵船有身先士卒之責該員等或擅自求職或出自學堂渥荷 天恩驟膺顯秩當海島被圍之際即使矢盡援絕勢不可為同時殉節者卽有戴宗騫張文宣劉步蟾楊用霖等均能引義自裁不求苟免而該員等巨艦十數同聚一隅既不為困獸猶鬪之謀復不為繫船自沈之舉遂至船亡而人存律以春秋棄師之義實屬咎無可辭其候選道馬復恆牛昶嗣山東候補道嚴道洪雖無統轄兵船分司戰守之責惟或則綜理營務或則鎗穀全營均未便置之不議至魚雷各艇管帶官蔡廷幹等駕船先逃不知去向情罪尤為重大理合分晰開單呈請核辦除海軍陣亡受傷各員弁另行詳細查明具詳請卹外會詳請奏前來臣維北洋水師二十年大東溝之戰非不衝風破浪人人有同仇敵愾之心乃自旅順威海迭經失利銳氣一挫遂有不可收拾之勢蓋兵以氣勝士氣既散雖名將亦無以善其後也現就單開各員考其事實采諸輿論亦儘有諳習海戰臨敵致果者兵家勝敗無常惟功罪有歸不得不憑勝敗以為考核此次事定以後仍應整頓海軍若失事之員不先予以應得之咎則功罪不明軍律幾同虛設後此又將何所措手臣與在津司道悉心核議謹分

別三項另繕清單恭呈 御覽伏候 命下臣仍當督飭司道等秉公查辦斷不敢意爲輕重致涉枉縱

上諭王文韶奏查明北洋海軍失事情形據實奏參開單呈覽一摺所有暫革守備林國祥副將銜葉祖珪邱寶仁都司李和游擊林穎周都司林文敵黃鳴球守備陳鎮培千總潘北培游擊羊秉樞呂文經都司何品璋游擊李鼎新候選道馬復恆牛昶昞山東候補道嚴道拱著一併先行革職聽候查辦餘著照所議辦理該部知道○諭軍機大臣等都察院奏已革參將吳世恩以串官鬻產妄參無辜等詞赴該衙門呈遞據稱該革員於咸豐十年契典吳興記莊田一所經在籍總兵林宜華等利誘吳興記之子捏契霸田復匪串道員楊文駿誣伊搶割田禾不守營規妄稟參革等語案關武職被參冤抑虛實均應澈究著譚鍾麟馬丕瑤按照原奏各節確切查明據實具奏原摺呈均鈔給閱看將此各諭令知之○戶部奏上年翰林院編修張百熙陳奏籌餉六條及兩江總督劉坤一奏請就地籌款摺內均有勸諭紳富捐輸一條臣部兩次議復均聲明不得向所屬紳民分派勸捐致滋紛擾等因奏准通行各在案嗣因御史張仲忻奏請停止派捐復經臣部議令嚴禁苛派並將藉捐勒索之官吏懲辦奏奉 諭旨允准行各遵照亦在案是臣部於勸捐一事預防流弊反復申禁不啻至再至三而數月以來道路傳聞苛派抑勒之風迄未盡絕推原其故非由立法之未周實因奉行之不替夫捐助軍需究與正供有間祇宜婉勸不應

勒追溯自軍興以來臣部籌餉各條如預繳鹽盤典當及土藥行店捐輸並茶葉糖斤加盤取之於民數已不少而浙江加抽煙酒釐缸等捐江蘇湖廣等省開辦鋪戶房捐江蘇並照案於漕米項下加收錢文皆臣部原議所未及中國富戶殷商非業錢營絲茶即以田產房租爲生計今既於各項收捐而復欲捐其身家是生產祇有此數而徵輸遂無窮則不獨刻剝病民亦恐瑣屑失體況乎吏胥之婪索暮夜之追呼捐借不分影射難免借捐並舉悉索何堪種種擾累情形皆與勸捐之意相背惟有請 旨飭下各直省督撫嗣後捐輸一項務須遵照奏章只准向紳富剴切勸諭不准按州縣勒數派捐倘所屬地方各官辦理不醫致令民怨沸騰卽行據實嚴參毋許徇隱理合附片具陳得 旨允行○戶部奏臣部於上年八月間因息借洋欸餉價折耗太多爰有息借華欸之舉先試辦於京師繼復推行於外省均經奏准有案各該督撫接奉 諭旨並臣部行知向所屬商民盡力籌借溯自開辦至今已輕奏咨有案者廣東借銀五百萬兩江蘇借銀一百八十一萬餘兩山西借銀一百三十萬兩直隸借銀一百萬兩陝西借銀三十八萬餘兩江西借銀二十三萬餘兩湖北借銀十四萬兩四川借銀十三四萬兩合諸京城所借之一百萬兩已逾千萬之數洵於軍興用欸不無少補惟查中國與泰西通商近年進出口貨價不能相抵以致各省現銀日少商力亦遠不如前是息借華欸一事雖屬公私兩便而行之過久恐銀價日增有礙商

民生計且外省辦理此事未必盡能恪守部章萬一經手官吏不恤民艱加之抑勒則流弊更大臣等公同商酌各省借款現既集有成數此事不妨暫停候請 飭下各直省督撫迅將已收之款查明數目報部未收者一律飭停毋庸再行議借至還款屆期務須遵照臣部奏章不差時日以期取信於民倘經手之人從中舞弊致令平色折耗限期遲遲應由該管上司從嚴懲處得 旨允行○丙午諭軍機大臣等連日紛紛章奏謂鹽不可棄幾於萬口交騰本日又據唐景崧電稱紳民呈遞血書內云公法會通第二百八十六章有云割地須商居民能從與否又云民必順從方得視為易主等語鹽民誓不從倭百方呼籲將來交接萬難措手著李鴻章再行熟察情形能否於三國阻緩之時與伊藤通此一信或豫為交接地步務須體朕苦衷詳籌挽回萬一之法迅速電覆○丁未劉樹堂奏臣前以豫省餉源枯竭奏請於行銷長蘆兩淮河東山東四省引鹽一律酌收加價暫資接濟欽奉 硃批交部議奏現經戶部議准惟於原請派員設局稽查一節以運銷鹽斤按引計斤收價各有商埠及行銷州縣可稽無庸另設局費等因奏奉 諭旨依議欽此咨行到豫當即遵照轉行去茲據布政使會同糧鹽道以原設設局稽查本係仿照同治年間豫省奏蘆鹽加價成案辦理俾昭周密而免隱漏顧官運商運之鹽一經到岸尚有行銷州縣可以稽查應即議毋庸設局以節經費惟准鹽概係票販潞鹽亦有民販其運鹽到境并無兌總

商埠隨處銷售亦無一定坐落價則視成本爲長落鹽亦可輾轉販賣一縣之食鹽運販者不知凡幾賣成行銷稽查毫無把握若不於扼要之區設局加收實係無從措手查明固始縣之往流集蔣家集爲淮鹽入豫要隘潞鹽則販自陝州之會興鎮應請於此三處派員設局徵收并就淮潞兩綱加價項下酌動一成以資局用如有不敷另行籌補倘有盈餘仍列入收款造報其蘆東兩綱所收加價絲毫不得動用妥議章程詳請核辦前來臣查此項徵收鹽斤加價原因餉需不繼爲此萬不得已之舉總期涓滴歸公何敢稍滋糜費但票販民販之淮鹽潞鹽散漫無稽不能不責令該商販等先行交納既不能不於要隘設局稽徵舍此別無辦法下戶部知之○戊申諭前因近畿一帶地方災歉業經迭降恩旨賑撫兼施現聞順屬糧價昂貴民食維艱順天府辦理平糶各局誠恐購辦無多不敷周轉著加恩賞給京倉米五千石俾資接濟該衙門知道○己酉諭御史宋承庠奏貢院號舍上年修葺之後本屆會試竟至坍塌數十間其餘危險情形不一而足請飭原修大臣詳閱賠修等語著工部查明辦理○庚戌以許雲發爲江西湖口鎮總兵○李鴻章電致總理各國事務衙門夜間接伊藤初八戌初英文電開中國政府請暫緩互換批准和約一節當經日本政府答以無論因何情形互換批准萬不能緩且因締結兩國和好互換一節更不容緩並經告明如以俄德法三國請改約款爲慮則互換之後更易商改向來辦法係屬如此日

本全樞大臣於限期互換之前必到煙臺今爲兩國有益起見本大臣特此反覆丁寧電告貴大臣務請將此批准條約於續展停戰限期未滿之前卽行互換是爲至要伊藤博文自日本西京發云出貝想亦接復電昨奉展電知和約已奉批准日本既不肯展緩十四期追應由鴻卽覆伊藤已批准派員如期互換應請速派全樞大臣前來現飭留公義商輪在津守候計由津出沽口須一日又一日夜至煙臺必須十二日到煙布置一切以便會商互換庶無貽誤請代奏軍機大臣等奉 旨著派三品卿銜升用道聯芳與伍廷芳同往煙臺換約○辛亥諭軍機大臣等前諭王之春與法外部密商保案辦法本日據唐景崧電稱接與照璦電法外部告照璦云須中法先立一約云臺澎有交涉事爲法作保護之據已諭總署密詢施阿蘭會否得本國信如何切實保護俾日本不至另生枝節并著王之春與照璦與外部迅速密商電奏候旨辦理○諭理藩院奏蒙古親王等倡捐軍需銀兩懇恩獎勵並集捐銜名開單請獎一摺該親王等情殷報効洵屬急公錫林郭勒盟長蘇呢特扎薩克親王銜多羅都楞郡王那木濟勒旺楚克著該衙門查明移獎烏珠穆沁親王阿勒坦呼雅克圖著賞換黃龍餘依議單併發○壬子諭昨據通政使顧璘侍請張仁黼奏請賞假回籍省親當經允准本日又據翰林院侍讀學士文廷式奏請賞假修墓文廷式著賞假三箇月回籍修墓現在時事多艱在京各員各當盡心職守嗣後不得紛紛請假以杜効尤

○諭軍機大臣等張之洞電奏已悉王之春所商一節已經總署告知法使電其外部尙無回信著該督電知王之春仍探問法廷如何辦理電聞並令慶常幫同辦理此事切須秘密以免別生枝節倘照緩著仍回英國以免兩使之疑○王文韶奏准於三月初一日承准軍機大臣字寄光緒二十一年二月二十八日奉 上諭御史李念慈奏永平遵化兩處十屬州縣去年被水甚重訪查該處近來情形一村之中舉火者不過數家有並一家而無之者轉徙流離弱者闖入人家就食兇悍者結夥成羣專劫囤積名曰分糧竊恐嚇聚日眾逃勇潰卒混迹其間致滋事端請飭長蘆運司籌借銀兩辦理平糶局等語覽該御史所奏該處災情甚重殊深軫念著王文韶酌度情形應如何籌款解濟分別賑糶以恤災黎而弭隱患即行迅速辦理原摺著鈔給閱看將此諭令知之欽此遵 旨寄信前來 查永平遵化所屬災重州縣應辦春撫已由籌賑局撥款委員前往查訪惟京東州縣產糧本少向賴奉糧接濟現在關東糧不出境當此青黃不接民食維艱實深焦灼隨飭長蘆運司籌賑局會同體察情形迅速議辦去後效據會詳稱查得上年夏秋之交永平遵化兩府州屬大水為災經籌賑局照派南紳候選知縣經文邀同南來士紳酌帶銀兩分往玉田豐潤灤州盧龍等處按照議賑辦法酌放急賑嗣據各屬將災歉分數勘報到局復經查照向章遴派員紳撥發賑款查放玉田豐潤灤州盧龍遷安昌黎等六州縣冬撫並據遵化州稟

准動用倉穀設局留養分別賑濟迨交春後又由局派員撥款查放玉田豐潤灤州盧龍遷安昌黎遵化等七州縣春撫在案伏查辦理災賑向以地方官勘報災情輕重及村莊戶口多寡爲衡本年籌辦春撫因該兩屬連年被災民生重困均經按照災分格外寬撥款項切囑派出員紳認真散放以期實惠及民惟該處產糧無多卽在豐收之年尙不敷本地之用全賴衣糧接濟其小民多以質販備趁爲生更藉素天爲謀食之所自上年遼左用兵生計頓失相率歸來且關外流民亦紛紛逃避入關而平日載糧海船又因寇亂停運米糧來源枯竭民間食指繁多加以徵兵需集百物踴貴民情困憊不堪言狀非僅繫乎受災之重輕實由於關外兵荒絕其生路若僅按尋常災賑辦法誠恐窮黎所得無多不足以資補救正籌辦間復接臬司周觀自唐山營次來電備述災況與該司道等所聞相同稟經臣飭委委用道劉啟彤酌帶熟悉賑務之員前往分投確查再行妥籌調劑該御史李念茲所奏係屬實在情形值此外患方殷尤以固結民志爲要惟此次災情過重外來流民過多專辦平糶恐難濟事且熱河一帶多係山路縱有餘糧亦難周轉惟有多籌款項起辦加撫一面行查各屬積存倉穀酌量勸撥並廣招商販設法購運米糧源源接濟以蘇民困查運庫有經徵北引賑墊加價一欸向係集有成數解局濟賑應在此欸內勸撥銀四萬兩其餘不敷之欸由籌賑局另籌添撥等情具詳前來臣覆查該司道等所籌辦法尙屬周妥應

飭照議辦理仍責成委用道劉啟彤督飭印委各員認真確查就各屬情形分別重輕核明戶口妥籌賑恤並設法招商廣運糧穀以濟民食總期繼東黎庶不致顛沛流離人心自固囑愚自消以仰副 聖主矜恤災黎綏靖畿疆之至意得 旨卽著飭查災情輕重分別核實賑撫毋任失所餘依議該部知道○癸丑以鍾靈爲內閣學士○予山東陣亡道員戴宗鸞建祠事蹟交國史館立傳○李秉衡奏本年辦理河運江北起運漕米一十二萬七千八百餘石江蘇起運漕米一十萬石業經兩江督臣奏奉 諭旨飭將漕船經行河道認真挑浚務期一律深通以利漕行等因欽此除南路運河向歸河臣經理外所有陶城埧迤北河道經 臣擬委東昌府知府洪用舟勘估去後茲據該府稟稱陶城埧運口緊枕黃流歷年借黃濟運河身淤墊日高自口門以至草橋爲黃水入運咽喉積淤尤厚口門之外又淤起沙灘一片如當乘汛開壩往往船未及半水落掛淤非候盛漲不能繼進若不早爲變計必致貽誤堪虞查勘口門迤東里許尙有臨黃舊口門廢棄多年現擬一併修復以備西口停淤則開東挑西東口停淤則開西挑東口門東西並立均須建壩鑲埧庶可更番進船不爲淤阻設遇水大溜急卽於兩口中酌量啟壩免致壅溜爲患惟口門斜接正河之支河一道久已淤塞應與口門外之淤灘同時挑濬通暢並於兩岸及東西支河相距處分築堤埝以束水勢埧壩經歷之汛物料朽腐亦應修整自陶城埧起至臨清州衛河止綿長

二百餘里地勢南高北低運堤節節欠缺而應分別挑築工程實爲浩大但當此籌辦海防庫款支絀不得不力求撙節統計挑修各工共需土方工料銀四萬九千八百一十五兩五錢六分二釐減平在內造具估冊呈請核辦前來臣查該府所擬辦法並估計經費銀數均尙核實應照歷辦成案飭由藩司籌款給領實成該府率同印委各員趕緊興工認真辦理勒限於漕船未到以前一律完竣不准草率偷減仍俟工竣將用款造冊報銷下部知之○甲寅福建臺灣巡撫邵友濂因病乞休允之○乙卯諭軍機大臣等現已接三國覆信著伍廷芳聯芳卽與日本使臣換約政府照會二件面約交付昨商展期已由田貝電日本作爲罷論○張之洞電致總理各國事務衙門開和議各條不勝焦灼痛憤倭寇狂悖至此種種利害顯然可見中外諸臣均已懇切陳奏無待演陳其中如旅順不肯交還及威海劉公島天津駐兵各條尤爲可駭查旅順威海乃北洋門戶若不退還則北洋咽喉從此梗塞以後雖有水師何處停泊修理旅順劉公島常駐倭船天津又駐陸兵近在肘腋旅順爲津沽山海關皆一日可到煙臺尤近彼日肆要挾稍不滿欲朝發夕至且倭約各條貪苛太甚臺灣民悍不甘屬倭必然啟衅各省軍民必致痛哭深怨斷不甘心稍有枝節彼卽謂不依條約立刻生事彼時戰不及戰和不及和守不及守卽欲暫避亦不及避倭性兇狠不同西國其禍豈堪設想查要挾各條之害聖明豈有不知朝廷所以勉爲和議者不

過爲保全京城姑冀目前粗安徐圖補救若照倭索諸條更是自困自危之道欲求旦夕偷安而不可得又洋報有與中國聯合以備戰守一條大約是爲中國經理各省機務製造鐵路等事尤爲險詐查購買洋械本難常恃幸各省尙有數局可造鎗礮彈藥稍資接濟經此倭事創鉅痛深正須急籌鉅款竭力擴充運兵鐵路亦須量力修造今若令倭人干預則內地軍火運道皆在倭掌握中水師既不能振陸軍亦不能自主中華何以立國且倭駐旅威則自遼陽以至威海榮城周圍三千里處處水陸皆須永遠設防所費太鉅當此賠款巨萬之際防費將從何出至蘇杭織造絲綢川楚織造紗布則各國亦必效尤改造土貨中國工匠生計從此盡矣海軍無歸宿陸軍無利器威海藥則京畿無屏蔽商民貧則軍餉無來源各國欺凌商人嗟怨外患疊至內憂將出恐係大學士李鴻章昏迷之際李經芳等習昧應許竊維遺風誦和乃 朝廷休兵息民之盛德顧全大局之苦衷 雖愚昧亦知仰體斷不敢爲大言迂論以瀆 宸聰所慮者京城不能安和敵不能成不論遠患先有近憂伏望 聖明熟思深察勅下王大臣等迅速會議設法補救以候 聖裁但此時總須乞援方易措手惟有速向英俄德諸國懇切籌商優與利益訂立密約懇其實力相助問其所欲許以重酬絕不吝惜無論英德俄酬謝若何去中國較遠總較倭患爲輕此須先請各國公同告倭令其停戰以便從容議辦尤爲緊要迫切上陳萬分惶悚請代奏又電倭約萬

分無理地險商利餉力兵權一朝奪盡神人共憤意在吞噬中國非僅占地而已所有棄臺旅之害威海
劉公島駐兵之害與中國聯合備戰之條之害二十六日電奏已詳陳近聞通商條目賠款限制尤甚駭
異各省口岸城邑商業工藝輪船處處任意往來任意製造一網打盡工商生路盡矣倭在華製造土物
一照洋貨納稅各國效尤如不能拒釐金虧矣賠款二萬萬兩六年付清又加五釐利息卽借英國洋款
轉付分期攤還每年亦須還本息一千數百萬兩各海口洋稅空矣今借款係赫德一手經理專借英款
將來無論如何搜括亦不能還清英國必索我地方作抵是又生一患矣民貧極則生亂釐款去則無餉
陸師海軍永不能練中國外無自強之望內無剿匪之力矣威旅之兵必致永遠不撤京城亦無安枕之
日矣一倭如此各國援例要挾動以窺伺京城爲詞更不能拒後患不可勝言矣然非藉兵威不能廢約
此時欲廢倭約保京城安中國惟有乞援強國一策俄國已邀德法阻倭占地正可乘機懇之乞援非可
空言必須予以界務商務實利竊思威旅乃北洋門戶臺灣乃南洋咽喉今 朝廷既肯割此兩處與倭
何不卽以此與倭者轉而賂英俄乎所失不及其半卽可轉敗爲勝惟有懇請 飭總署及出使大臣急
與俄國商訂密約如有助我攻倭荷倭盡廢全約卽酌量劃分新疆之地或南路回疆數城或北路數城
以酬之並許推廣商務如英肯助我酌量劃分西域之後藏一帶地曠與若干以酬之亦許以推廣商務

外洋通例若此兩國有聯盟密約有戰事即可相助不在局外之例俄現有兵船三十餘艘在中國海面英有兵船二十餘艘在中國海面俄英兩國祇須有一國相助其兵船已足制倭而有餘其船或開向橫濱長崎或逕趨廣島或游行南北洋兵船一動倭氣立沮倭極畏西洋斷不敢與俄英開戰若俄英一國相助則兵不血刃而倭約自廢京城自安若倭敢戰則我拒其陸兵英俄截其海道攻其國都倭必滅矣同一棄地而查分新疆西域可保緊要之威旅兼存膏腴之臺灣且可盡廢一切毒害中國之約據其輕重利害顯然且遼東旅順國家根本臺灣歸化康熙初年既而開拓藏衛大定則在乾隆中葉先後緩急亦有不同譬如人有疾病臺灣割棄威旅駐兵咽喉之病也內地處處通商賠款力不能還心腹之患也西域邊遠脾胃之損也蓋英俄本強然歷次條約尙無吞併中國之意卽以重利酬之於彼有益於我尙無大損倭專心欲害中國正苦餉力不足若此約允行則從此既強且富是我助以專噬中國之資矣至倭約各條處處包藏禍心而字句巧斷意圖含混尤望將和議各條發交王大臣等細心閱看自知其間之毒謀矣此因和議已許割地故擬爲此宜轉移之策冀以救急紓禍憂憤迫切仰候 聖裁請代奏又都察院代奏道員順鼎呈稱臣風聞出使日本全權大臣李鴻章電奏稱倭船廿餘艘將出廣島若不定約卽將犯京請割遼東臺灣兩地予倭並賠兵費二萬萬爲保京計不得不然業經定約畫押等語

此外條款不一而足人言嘖嘖似非無因微臣迫於杞憂未敢臆默謹就見聞所及不避斧鉞披瀝陳之
溯自咸豐同治以來中國與外國凡三次用兵一曰咸豐十年庚申之役一曰光緒六年庚辰之役一曰
光緒十年甲申之役庚申之役尤爲我 朝中外大局絕要關鍵其時髮捻縱橫竊踞天下岌岌不
可終日而海外各國亦復同時生釁英法合從兵臨城下僧格林沁敗於津沽北塘勝保退於朝陽門八
里橋曾國藩胡林翼諸人勤王之師緩不濟急敵騎長驅直入京師不守 宗社幾危時勢艱難殆有百
倍於今日者假使各國要求土地恐不能不聽客所爲乃當日講和不過立約通商稍償兵費而已初未
聞割尺寸之土地也若庚辰之役俄據伊犁邊境僅一二百餘里使臣業已擅許而疆臣左宗棠等堅欲
索還抗兵相加大局幾將決裂然不久卽和僅償款數百萬盧布而已不惟未割地且並伊犁亦索回也
甲申之役法取越南攻寧波擾臺灣陷馬江沿海戒嚴天下騷動滇粵邊防戰事之棘不亞今日然不過
讓以越南而已未嘗於越南之外更有所予也試卽今日之事與昔日之事相衡敵雖強未必出於英法
俄之上事勢雖急未至於庚申之危彼不過虛聲恫喝肆意要求我卽稍緩須臾與之再戰或再遲數日
而後定議未嘗不可卽不然償以兵費數百萬亦未嘗不可卽不然許其比照各國在江海各口通商開
設碼頭亦未嘗不可而皆不出此賠款至二十千萬鎊以爲未足竟舉腹心根本膏腴要害一二千餘里

之地開門而延寇拱手以與人何其畏倭人甚於畏英俄法諸大邦重遼東臺灣反不如重新疆伊犁及
滇粵荒微之地也哉伏思割地一事尤爲萬不可行以理之是非論其不可有三以勢之利害言其不可
有大祖宗創業於前子孫守成於後非若自我得之者可以自我失之試思太祖高皇帝太宗文皇
帝之締造遼東世祖章皇帝聖祖仁皇帝之經營臺灣取之如此其難而棄之何忍如此其易矧陪
京密邇陵寢攸存坐使長陵塚土自我而變爲邊界皇太后皇上將如列祖何此理之不可者
一自有本朝未開割地予人之事自有中國未開以重地要地割予海外島國之事玉斧割河珠崖縣
郡若非飄脫卽係石田豈有臥榻之旁供人鼾睡書於史冊辱甚燕雲坐使赤縣神州自我而淪爲異域
皇太后皇上將如後世史書何此理之不可者二遼東臺灣之民或本從龍或由向化二百餘年食
毛踐土芸芸赤子孰非我國家之孝子順孫今乃屬之他人儼成敵國父母雖窮尙不忍輕割其子
國家未感獨何忍遽棄其民坐使海隅蒼生自我而化爲他族皇太后皇上將如天下百姓何此理
之不可者三遼東者北洋之藩籬臺灣者南洋之門戶今日無遼東明日卽可無北洋今日無臺灣明日
卽可無南洋天下畏盜之人必求遼臺未有掛盜於門內而求其不發竅探機天下畏虎之人未有納虎
於室中而冀其不磨牙吮血行見泰錦登萊一帶不復能立錐江浙閩粵各疆不復能安枕海口海面皆

非我有餉械無以接濟而海運卽窮戰守無能布置而海防又立窮中國將來必無可辦之洋務此勢之不可者一英法垂涎臺灣俄人蓄謀遼東豈伊朝夕況各國狡焉思逞之計貪得無厭之懷誰不欲拓境開疆因時取利今見倭人以一舉手一啟口之勞而得地如此多獲利如此厚雖云無故亦必生心倘寧起效尤則中國雖大恐一日之間可以瓜剖立盡然此猶他國也卽以倭事驗之同治十一年彼因琉球難民爲生番所殺藉端挑釁兵抵臺灣當時大吏不能折之以理忱之以威反以數十萬金賠款了局彼見中國易與始漸輕視中國而謀益迫勢益驕推其得隴望蜀之情曾何已極此日之厲階既皆由於昔他時之愆愆恐更甚於今中國將來必無可存之地此勢之不可者二自軍務平定後謀臣猛士多就彫零千百之中僅存什一此次徵求宿將招集舊部士馬精壯已有可觀乃甫聚又將令之散既散恐不可復聚且所練之新軍營役幾何練成而不用待用之時又將臨時另練所購之新械勢費幾何購齊而不用待用之時又須臨時另購今日尙不能戰以後豈復有能戰之時再閱數年一有緩急求如今日之將與兵且不可得宿將舊部消磨既盡新募者未經戰事使當大敵中國將來必無可用之兵此勢之不可者三賠款至二萬萬之多不知從何搜括又不知搜括淨盡之後尙有應辦之務必需之款何所取資夫使賠款既交而我可不作一事彼可相安十年猶之可也正恐我之防務仍不能不辦兵餉仍不能不需

鐵路仍不能不修驛車仍不能不設入款則有減無增出款則有增無減意外之舉尙不暇論而彼則一波未平一波又起前款未清後款又來以斯民有盡之脂膏填彼族無窮之慾壑剝肉補瘡肉將盡而瘡更劇抱薪救火薪將竭而火更熾中國將來必無可籌之餉此勢之不可者四長白鴨綠爲 祖宗發祥鍾靈之地黑龍江吉林等省爲 國家植根歸宿之區地利既多民氣亦厚當此強鄰環伺正宜乘時經略加意保全較之臺灣尤關緊要一旦遼東爲倭人所有則俄自北倭倭從南襲不數年內其民與地皆將折而入於俄與倭東三省全境之危亡可立而待且京外八旗人民既不謀生又不習戰一遇有事而東三省已不能歸退則爲倭寇所草菅進則爲亂民所蹂躪中國將來必無可保之旗民此勢之不可者五臺灣一省饒富著稱近來文教振興更已變椎髻爲衣冠進侏儒於禮樂其士民皆愛君親上好義急公而林維源身爲民望官列京朝勢不能以家委敵況彰義之名出自 純皇帝所賜臺人固必思義而顧名 皇上又烏可數典而忘 祖至於遼東之爲豐沛鄉里者更無論矣民情何常之有親之則親疏之則疏向之則向背之則背雖厚澤深仁已浹於 祖宗之世而先嚳舊德不保於 孫子之朝恐未免兆姓寒心四方解體倭既據我內地且將取我民心以利誘之而弒點者必爲倭爪牙以威迫之而幫剿者必爲倭魚肉行見流民無所依歸而西晉雄特之禍起奸民相與勾結而麻察勝廣之變生歐魚爲淵

瞻烏誰屋中國將來必無可固之民此勢之不可者六以上各節不過據臣所私憂竊慮粗舉大端而其禍變相尋尙有不勝枚舉者以言理之是非則如彼以勢言之利害又如此大約稍有心肝之人皆必不肯爲之稍有知識之人皆必能見及之而不謂遲緩 國恩深悉時務之李鴻章竟悍然不顧冥然罔覺行人之所不肯行之事出人之所不忍出之言臣前見李鴻章行事不憚人心尙疑其別有苦衷代爲原諒直至今日始灼然有以知其心術之幻而得其罪狀之真所謂藏孫紇雖曰不要君吾不信及司馬昭之心路人皆知之者恐宋臣蔡絛明臣仇鸞之奸尙未至此也且遼東臺灣並割予倭臣以爲窮倭之兵力不能及此充倭之始願亦未嘗及此如其兵力能及此則何不逕取遼瀋以索登萊逕取臺灣以索閩廈雖括席卷彼豈有所恤而不爲如其始願嘗及此明知遼東一索可得何必以全力攻牛莊明知臺灣一索可得何必以全力攻澎湖是其情形已可概見不謂有李鴻章焉爲虎作倂教孫升木於是倭不啻取懷而予操券以償蓋倭力不及此而李鴻章之力能及此倭願不及此而李鴻章之願早及此矣抑微臣更有不忍言又不忍不言者李鴻章之奸尙不及其子李經方之甚李經方前充出使日本大臣以己資數百萬借給倭人購船充餉其所納外婦卽倭主睦仁之甥女其奸詐險薄誠不減蔡京之有蔡攸服嵩之有服世蕃假使憑依城社竊據津滬張邦昌劉豫之事不難立見我 朝貽謀之遠立法之善爲前

古所未有當此之時而欲以爲夷入主中國以人臣攘執太阿蓋亦憂憂乎其難之不圖天地躍金陰陽錯錯於倭生一睦仁於中國生一李經方以樞奸爲醜虜內助而始有用夷變夏之階以醜虜爲樞奸外援而始有化家爲國之漸俱成頭角各長羽毛樹木蠱生履霜冰至今日此事尤爲中國汚隆 本朝興替一大關鍵微臣悲江河之日下痛滄海之橫流所爲涕泗汎漚而不能自已者也雖然李鴻章敢於犯天下之不韙欺 朝廷以其方者窺見 皇太后 皇上與諸臣畏倭之心而後藉詞保京反自託爲忠愛之忱以巧遂其奸欺之詐也在李鴻章固以爲舍己別無他人舍此別無他策微臣不揣冒昧竊於此策之外爲 朝廷敬畫二策爲伏揣 朝廷畏倭之心不過以明爲鑒不知明之亡不亡於邊患而亡於流寇不亡於諱言和而亡於諱言遷天國君死社稷乃指諸侯而言若天子以四海爲家何代不有遷移之事明之君臣不通古今昏憤紛呶以至亡國如早遷都江南國尙可存我 朝法度修明湛恩汪濊既非明政不綱加賦召亂者可比一統金甌處處完善既無流寇之禍僅有海邦之憂又非明之天下糜爛無地圖存者可比惟以海禁大開形勢久異千金之子坐不垂堂以此而遷又何所諱宅中建極莫若太原五臺經 累朝巡幸供 列聖御容 行宮尙存盛軌可溯其善一京師千里之程十日可達往來迅速進止從容其善二土厚水深人民殷富其善三兵精馬健風氣勁強其善四河汾太原表裏山川其善

五平陽安邑步趨虞夏其晉大而太行起天下之脊冀州居天下之中我能往彼不能來尤足爲子孫帝王萬世之業去年十二月微臣在都會以此辭條陳未獲上達 天聽若當日早定大計則此時八方風雨三晉雲山業已高屋建瓴 神京鞏石砥方隅而鏡寶海彌泰山而帶黃河何至廬 宵旰之焦勞患畿疆之危徧哉然投鼠忌器此後方多則亡羊補牢及今未晚與其以二萬萬借盜竊糧而利歸海外何如以二萬萬營都充幣而利在中國此微臣所畫一策曰遷者是也又揣 朝廷畏倭之心不過以犯京爲慮不知倭力果能犯京何待今日豈於去年京師無備之時不敢來犯而今年於京師有備之時反敢來犯者且倭人進兵不外水陸兩途由遼瀋進兵則尚有依克唐阿長順裕祿唐仁廉在由錦州進兵則尚有宋慶魏光燾等在由榆關進兵則尚有劉坤一及余虎恩熊鐵生諸將在由津沽南北進兵則尚有王文韶聶士成曹克忠等在即使內犯京畿亦尚有程文炳董福祥在而諸臣等亦與不在倭兵盡如鬼神豈竟不由關津經過而飛入京師耶我軍未必盡屬疲羸豈竟任其飛入京師而毫無聞見耶微臣逆料倭人必不能犯京其故有四請略舉近日軍事證之以釋 朝廷疑慮之端一曰倭人不能攻堅我所失之地皆瑕也非堅也惟旅順威海可謂之堅然旅順之失以守將爭逃威海之失以海軍不戰且一由皮子窩一由落風港均係蹈瑕乘虛抄後而入不敢直犯當前蓋其兵餉最重精銳無多諛惟鋒銳每虞

傷損肉薄攻堅決無此事觀於葢士成之守堅而彼不敢犯摩天嶺裕祿徐慶璋之守堅而彼不敢犯遼
瀋唐景崧劉永福之守堅而彼不敢犯臺灣況畿輔爲我最堅之地而彼敢輕於嘗試乎此其不足慮者
一一曰倭人不能持久越國國運疲餉勞師多一日則多一日之糧少一兵則少一兵之用倭至今日黔
驢之技已窮騎虎之勢難下左支右絀外強中乾久矣夫以中國之地大物博餉足兵多尙以曠日持久
爲憂最爾之倭更何能堪試觀其葉威海而不留攻臺灣而卽退不能持久亦復可知此其不足慮者二
一曰倭人不能疾驅考倭之軍制皆效德國陸操步武整齊紀律嚴肅誠有足多而輜裝繁重行走甚遲
以之持重則有餘以之疾驅則不足視中國之卷甲銜枚一日夜可行二三百里者實有長短優劣之殊
觀於此次牛莊之戰倭由間道甫至牛莊曾未多時而李光久聞警後發之兵亦已踵至吳大澂由田莊
退至雙臺子親軍僅數十人距敵僅數十里若使倭能疾驅非但我軍喘類無遺卽寶錦亦恐相隨不守
而倭竟不能豈獨於京師能疾馳數百里此其不足慮者三一曰倭人不能深入夫以無援之軍不繼之
餉而入最深之地犯極厚之兵是必有進無退有死無生而後可抄掠剽忽不顧其後之賊或能爲之而
倭人固未能出此如其出此則必用全力擲孤注行險徼幸而自津至通一綫長途兩旁皆水沿途一帶
皆有重兵程文炳董福祥可以抵禦於前葢士成曹克忠可以合圍於左右劉坤一率領諸將可以追蹙

於後彼非深入送死而何且彼之兵力有限既以全力犯我則其後路必虛獨不畏取朝鮮而襲廣島耶
觀其得榮城文登而不敢深入山東得海城牛莊而不敢深入秦錦又何能越關津畿輔而深入京師此
其不足慮者四又況魏光燾堅固不搖李光久奮勇敢戰牛莊雖敗而殺傷倭人亦足相當倭見湘軍人
人敢死竟不敢再過雷池一步諸將領之最忠勇者一聞和議皆痛哭堅臥不肯起食可見將士皆有死
志並非軍心瓦解勢不可爲且依克唐阿聶士成宋慶皆倭人所畏而丁撫一軍隊伍已到唐仁廉一軍
鎗械已齊皆可與倭一決倭人情見勢絀漸成尋求我即不與之戰而但與之堅持再閱數時彼力斷難
支久然後再言和議自必易於轉圜此又倭臣所畫一策曰守者是也總之以遷爲戰之地能遷則不戰
而已可屈人之兵以守爲戰之地能守則不戰而已可制人之命或遷或守雖非上策而不失爲中策賠
款割地非僅下策而實無策伏查光緒六年即庚辰一役崇厚亦以頭等全權大臣使俄與俄國定約費
押讓地一二百里尙非割地且係邊外之地經廷臣交章論劾 皇太后 皇上赫然震怒立將崇厚拿
交刑部治罪其與俄所定之約雖已畫押仍行更改俄人終亦降心俯首就我範圍今昔相衡以敵言則
俄更強大於倭以事言則讓地尙非割地邊地尙非內地一二百里之地尙非一二千里之地是李鴻章
之罪尙爲崇厚所無而以定約言則一係擅許一係請 旨擅許者至拙而請 旨者至工是李鴻章誤

國之術與其誤國之心較崇厚尤爲加倍惟有仰懇 皇上天威獨斷上思 列祖 列宗下念薄海臣民照崇厚例將李鴻章交刑部治罪并撤回李經方革職嚴辦一面飭王文韶劉坤一妥備戰守獎勵裕祿唐景崧等以安人心一面明發 諭旨宣示中外奉 皇太后西幸命恭親王留守京師如戰而不勝賠款割地尙爲未遲戰而糜款猶勝於和而賠款戰而失地猶勝於和而割地如因或遲或守而致貽誤大局請先誅 微臣以謝天下 皇上爲英主爲居主中國爲強國爲弱國 本朝爲大朝爲小朝諸臣爲東臣爲邪臣皆視此一點 微臣不勝迫切待命之至 上諭軍機大臣等近自和約定議廷臣交章論奏謂地不可棄費不可償仍行廢約決戰以冀維繫人心支撐危局其言固出於忠憤而於朕辦此事熟籌審慮不獲已之苦衷有未深悉者自去歲倉卒開釁徵兵調餉不遺餘力而將少宿選兵非素練紛紛招集不殊烏合以至水陸交綏戰無一勝近日關內外情事更迫北則逕逼遼海南則直犯畿疆皆現在意中之事滿陽爲 陵寢重地京師則 宗社攸關況廿餘年來 慈闕頤養備極尊崇設使徒御有違則藐躬何堪自問加以天心示警海嘯成災沿海防營多被衝沒戰守更難措手是用宵旰旁皇臨朝痛哭將一和一戰兩害兼權而後幡然定計其萬分爲難情事言者章奏所未及詳而天下臣民皆當共諒者也茲將批准定約特將先後辦理緣由明白宣示嗣後我君臣上下惟期堅苦一心痛除積弊於練兵

籌餉兩大端實力研求亟籌興革毋生懈志毋爲虛名毋忽違國毋沿積習務期事事核實以收自強之效朕於內外諸臣有厚望焉○丙辰諭軍機大臣等昨有旨令龔照璣回英現於十四日亥刻煙臺換約此次爭回全遼三國極爲盡力如龔照璣已回倫敦卽著慶常赴法廷傳旨先行致謝○丁巳諭軍機大臣等伍廷芳等電稱日使送還照會三件未經帶去著李鴻章卽將前二件電知伊藤以爲根據其後一件毋庸再電現惟臺事極爲棘手李鴻章前電伊藤有另行齟齬之語究竟有何辦法以免內變外衅之虞著悉心籌畫具奏依克唐阿電奏十一午後我軍在長嶺子駐守遙見日兵三四十名直奔嶺下我軍因已通照會界限向前搗手阻攔日兵不聽忽以三騎衝上嶺腰開鎗步隊接踵其後我軍祇得開鎗抵禦中日一騎始退去十二辰刻復來馬步三百餘名我軍已列陣預備等語停戰期內無故越界開鎗實屬違約其由在彼著李鴻章一併電告日本飭彼駐遼各軍勿再越界生事爲要○戊午諭軍機大臣等日本覬覦朝鮮兵犯順朕愾懷瀋服命將出師原期迅掃敵氛永弭邊患故凡有可以裨益軍務者不待臣工陳奏皆已立見施行何圖將不知兵士不用命界以統領之任而偵事日深予以召募之資而流氓麇集遂至海道陸路無不潰敗延及長城內外險象環生比來戎馬駸駸有進無退茲將北犯遼瀋西犯京畿危急情形匪言可喻和戰兩事必應當機立斷念朕臨御天下二十餘年宵旰憂勤未嘗稍釋今

乃忽有此變實惟窮窮潦德有以致之且天津海嘯爲災衝沒營壘爲史策所僅見上天示警尤可寒心乃爾諸臣工於所議約章或以割地爲非或以償銀爲辱或更以速與決戰爲至計其見忠義奮發果敢有爲然於時局安危得失之所關皆未能通盤籌畫萬一戰而再敗爲禍更難設想今和約業已互換必須頒發照行昭示大信凡此已成之局均不必再行論奏惟望京外文武大小各員自今以後深省愆尤痛除積弊咸知練兵籌餉爲今日當務之急切實振興一新氣象不可因循廢弛再臨前轍諸臣等均爲朕所倚畀朕之艱苦當共深知朕之萬不得已而出於和當亦爲天下臣民所共諄也○諭直隸永平遵化兩屬上年被災田畝積水未消本年四月初三日暴雨狂風晝夜不息海水騰上沿海村莊猝被淹沒寧河寶坻鹽山滄州靜海天津各境內國地民居亦遭浸淫閭閻困苦情形殊堪憫惻加恩著將本年起運交倉粟米截留十萬石以備順直賑撫之用著王文韶會同孫家鼐陳彝督飭所屬詳查災區輕重酌量分撥核實散放務使實惠及民不准稍有弊混用副朝廷軫念民艱至意該部知道○前任雲南布政使曾紀鳳卒予祭葬建祠事蹟交國史館立傳○己未賞前任安徽宿松縣知縣孫葆田五品卿銜○辛酉李鴻章電致總理各國事務衙門頃接伊藤博文十八日戌正電稱十七日來電收到日本一俟應先預備之事整辦之後即可與中國開議奉天南邊之地至臺灣一節日本現已告明中國政府今日皇

已派水師提督子爵樺山資紀作爲臺灣等處巡撫並作爲日本特派大員辦理按照馬關和約第五款
求款之事約兩禮拜該巡撫即可履任辦事於行抵該處時卽預備辦理特派之事日本政府盼望中國
政府立卽簡派大員一人或數人與該巡撫會晤並將該大員等銜名告明日本政府按照如此情形本
大臣告知貴大臣日本政府謂如中國政府查照日本所請速派大員一人或數人與該巡撫樺山會晤
毫無延宕則貴大臣所慮危險之事卽可免矣該巡撫一經到任之後則境內保全平安之事一惟日本
政府是問等語玩其語意似已電由田貝告知鈞署適科士達來晤密與商籌科謂和約既經批准互換
除日本允還秦天南邊另議外其餘應逐一照辦斷不可游移藉故延延以致另起波瀾生出意外危險
卽請他國保護卽使辦到亦必枝節橫生鴻告以臺灣官民不肯交接奈何科謂 皇上批准中國官民
豈可任聽梗阻致失國體如國家採納鄙言應由政府屬田貝轉告日本以中國派大員商交臺灣日本
應同時派大員商交還東方爲公允云云可否仍責成唐署撫與日員妥爲商辦乞代奏請 旨 上諭
軍機大臣等李鴻章奏懇請續假摺著再賞一箇月調理又據電奏接伊藤電稱日本已派樺山資紀辦
理臺灣之事惟現在臺灣兵民交憤必不甘服聽命無論唐景崧係守臺之官萬無交臺之理況現爲臺
民迫留危在旦夕亦無極與之交割李鴻章前電伊藤有重爲慮及另行籌商之語今伊藤來電祇云中

國派員與樺山會晤所慮危險之事可免其不受商量已可概見臺灣如此情形該大臣設身處地將何以措置前所謂另行籌商者究竟有何辦法如何補救著妥籌復奏劉含芳電稱煙臺俄艦已有十五艘此外尙有何國兵船若干停泊該道隨時探聞○裕祿奏據盛京內務府廣儲司稟稱內務府三旗各營各處莊壯佃戶以及綠旗鹽棉各莊應納差款該司專司監收監放俱係年清年款迄未拖欠歷辦在案惟去歲秋後開徵各司處承催下路催辦去後陸續結報府管莊佃坐落遼陽海城蓋州三城秋收雖屬歉薄尙能封納差款惟自倭夷犯境人心惶恐莊佃俱遷移避難他處所遺柴草糧石均被傷損耗散不惟無項可催人亦難覓迭經派查屬實懇請暫緩催交等情奴才飭據內務府署察管圖記佐領事務藍翎四品銜騎騎校錫綬查覆內務府三旗織造庫應催綠旗鹽棉折色銀兩四項莊頭均坐落遼海蓋三城近以倭夷犯境遷移躲避現無定蹤所有應納差款實係無從催追其三旗兵等伍田坐落省西北風寧屬界三面船一帶地濱遼河去歲淹溺歉收輸租本屬不易兼之該佃戶等皆係無力貧民值此地方荒亂大軍雲集之際糧缺物資食用維艱生計益形困苦應納租課均屬實難照常催納等情聲覆前來奴才伏查盛京內務府三旗兵等伍田向係招民佃種去歲收成歉薄佃力本屬拮据更值大軍雲集食用昂貴生計益致艱窘當此軍興歲歉之際情形極為困苦應納租課若仍照常催納民力實有

未連合無仰懇 天恩准將光緒二十年分民佃未完伍田租課均一律緩至本年秋成後察看情形再行催徵完納以紓民力此項伍田租課雖係廣儲司奉准截留以備撥補 三陵內務府食辛者庫之需而辛者庫應食口糧猶有會計司莊頭應交倉糧先為發放此項撥補銀兩並俟本年秋成後察看能否照常封納及分別帶徵再酌量情形奏明辦理至三旗織造庫應催解龍綿折色銀兩四項係應解交盛京戶部之款該莊頭均坐落遼海蓋三城現在海蓋兩城均避難遠逃應完差款實係無從催納應一併奏懇 天恩准將此項差款均緩催收俟軍務平定莊頭復業再行照常分年徵納用恤民艱得

旨允行○予奉天陣亡知州傅鳳翔祭葬世職○壬戌唐炯奏據礦務公司稟稱上年十一月曾將辦出白鉛五十萬黑鉛四十萬解交貴州貴西道委員收齊報明在案查礦山年來白鉛礦砂日少礦數亦漸不能不推廣開辦以供京運因於昭通府屬之龍街老廠設法調辦又探得東川府屬之小街礦苗發露開設新廠半年以來漸見起色惟龍街廠廢弛已久小街廠礦苗雖旺而炭斤購運不易廠民慮有虧折尙多畏難觀望應懇奏乞 天恩寬准免課三年俾窮民得資生活踴躍開辦至龍街較榨廠遠三站小街較礦山遠六站所有運腳應照章就廠按站發給等情前來臣覆查該公司所稟均屬實在情形合無仰懇 天恩俯准將龍街小街兩廠暫免納課三年運腳就廠按站發給以恤廠艱而廣招徠下戶部

議奏○癸亥諭軍機大臣等前據興照電稱探聞法與他國密議臺事暫不使華與聞生枝節等語臺民洶洶勢難交割刻下日本派員已將到臺辦理殊爲棘手卽著慶常密詢外部能否再踐護臺前議迅速電覆再法使有外部不願接見王之春之語究竟會晤著一併電聞○諭奉天錦州廣寧一帶上年秋災既重今年春荒尤甚小民困苦情形殊堪憫惻加恩著將本年湖北漕糧三萬石截留以資賑撫卽由王文韶僅提此項漕糧到津卽行截留折價迅速派員解往詳查災區核實散放務使實惠及民毋任稍有弊混用副朕廑念民艱至意該部知道○甲子諭都察院奏直隸滄州民人王鳳鳴以斃命私埋等詞赴該衙門呈訴據稱太監門進福毆斃伊弟太監王志慶並有私埋滅跡情事所控是否屬實亟應嚴切根究著內務府卽將門進福送交刑部訊明辦理○諭軍機大臣等都察院編修呂珮芬等呈控教官劣跡多端該管上司保薦不實據呈代奏一摺據柳安徽旌德縣教諭張堃劣跡多端行同無賴該管上司知情容隱該教官倖滿反將其保升知縣等語案關教官濫薦保薦虛實均應澈底根究著張之洞按照原呈所指各節確切查明據實具奏原摺呈均著鈔給閱看將此諭令知之○張之洞電奏頃接臺民二十一日公電云全臺紳民散電稟者臺海屬日萬姓不服雖請唐撫院代奏臺民下情而事難挽回如赤子之失父母悲憤曷極伏查臺灣已爲 朝廷禁地百姓無依惟有死守據爲島國通敵 皇靈爲

南洋屏蔽惟須有人統率眾敵堅留唐撫暫仍理臺事並留劉鎮永福鎮守臺南一面懇請各國查照劃地紳民不服公法從公剖斷臺灣應作何處置再送唐撫入京劉鎮回任此舉無非懸貳 皇清國固守以待轉機情形萬緊伏乞代為轉奏全臺紳民同泣叩等語肅據情轉達請代奏之洞肅禡照錄唐景崧電密臺民知法不可恃願死守危區為南洋屏蔽堅留景崧與劉永福經反覆開導再三力拒無如眾議甚堅上等雖欲死而不得至臺能守與否亦惟盡人力以待轉機此乃臺民不服屬日極能自主其拒日與中國無涉懇 旨飭下總署商日外部彼員從緩來臺則臺與日尚可從容與議若即以武相臨不過兵連禍結彼斷難馴致全臺以上各節是否有當伏乞 皇上訓示請代奏 上諭軍機大臣等據張之洞電奏接全臺紳民電稟云臺灣屬日新姓不服既為朝廷築地惟有死守據為島國並據唐景崧稱臺民堅留該署撫與劉永福不聽開導求死不得等語是臺灣難交情形已可概見該大臣仍當熟籌辦法以期補救萬一伊勝回電如何即行電復張之洞唐景崧原電並由總理衙門照錄電知○乙丑諭軍機大臣等著派二品頂戴前出使大臣李經方前往臺灣與日本派出大臣商辦事件○諭本年天津一帶及沿河各州縣猝遭水患京城糧價日昂亟宜設法辦理平糶著直隸總督順天府府尹招徠商賈販運米麥各糧並准寬免稅課以資接濟○予因公溺斃知縣侯樞等祭葬世職○內寅李鴻章電致總理各

國事務衙門欽奉廿日電 旨飭籌商登臺辦法查條約既經批准互換斷無違約不交之理因與科士達密籌姑先與伊藤委婉電商文云貴大臣十七來電業經轉電中國政府奉昨電 旨內開現在臺灣兵民交憤必不甘服聽命該署撫唐景崧係守臺之官現為臺民迫留危在旦夕實無權與之交割究竟有何辦法如何補救著妥籌覆奏欽此本大臣以貴大臣屢因兩國所有為難各事和衷與本大臣商辦況現在兩國重締和好其交涉為難之處應照友誼議結察看臺灣現在情形兩國全權大臣急宜會議此事辦法查貴大臣業經認明所有棄讓臺南邊之事應行會議辦理本大臣之意以為以上兩事務須同時議結現因臺地情形與前不同中國國家萬不得已著本大臣與貴大臣商酌辦法諒貴大臣必以為然并令日本大員樺山提督暫緩起程為要等語此即前電另行籌商之意彼即允再會議亦必不肯放鬆彼既棄讓登甘棄臺姑先商緩看其覆電云何仍求 朝廷熟思審處設法開導唐署撫勿任固執另起波瀾致以一隅誤大局是為至幸諸代奏又電頃接日本伊藤二十三日戌正英文覆電云四月二十一日來電業經接到查按照兩國批准馬關和約臺灣所有自治地方之權業已交與日本其了結地方變亂之法勿庸兩國會議是以中國政府祇須將治理臺灣之事並公家產業查照條約及前電即派大員交與日本大員按照以上情形而訂樺山巡撫啟程日期勿容暫緩查該巡撫已於本日由西京

動身矣至於奉天南邊之地日本之意已於前電聲明等語鴻查伊電詞意甚爲決絕樺山已於二十三日啟程計日必到澎臺應先行電知唐署撫籌備爲要至臺地紳民公電有云請各國查照割地紳民不服之公法判斷詞科士達查洋文公法原本所載並非戰後讓地之例難以比擬且日既不肯會議俄法德亦不過問孰爲判斷應請傳諭毋得誤會此事恐開衅端並迎累他處務祈慎重籌辦大局之幸請代奏 上諭軍機大臣等李鴻章兩電均悉據稱伊藤復電詞意決絕德國又疑中國陰令臺民叛拒恐致構兵等語臺灣一事朝廷深爲焦慮昨派李經方前往商辦可見中國並無不願交割之意現在日使將到務令鴻章飭令李經方迅速往臺與日使妥爲商辦勿稍耽延貽誤一面仍將臺民不服開導寬徵據爲島國情形再行電告伊藤免致懷疑藉口○丁卯諭軍機大臣等署臺灣巡撫布政使唐景崧著卽開缺來京陛見其臺省大小文武各員並著唐景崧飭令陸續內渡○李鴻章電致總理各國事務衙門奉 旨派李經方往臺灣與日本派出大臣商辦事件欽此查李經方自馬關隨同回津後因憂勞成疾病勢沉重回南就醫頃電傳 旨飭遵據復稱素未到臺情形不悉地方官紳無一知者日本所派樺山亦素未謀面無從商辦現正延醫調治牽發舊疾怔忡日劇神智不清斷難勝此艱鉅乞代奏等語查係實在情形並無一語捏飾商交臺灣事體繁重自應責成臺撫將同藩司顧肇熙妥辦否則應飭閩督就

近據派大員前往會同該處官紳籌辦似未便令情形隔膜資淺望輕之員擔塞外人必至貽誤李經方實不勝任理合自行檢舉請 旨收回成命另行簡派請代奏 上諭軍機大臣等李鴻章電奏已悉李經方隨同李鴻章赴日派爲全權大臣同訂條約回津後尙未覆命何以遽行回南昨派令前往臺灣商辦事件又復藉病推諉殊堪詫異李鴻章身膺重任當將此事妥籌結局豈得置身事外專爲李經方飾詞卸責本日已有旨將唐景崧開缺令其來京陛見並令文武各員陸續內渡現在日使將次到臺仍著李經方迅速前往毋許畏難辭避儻因遲延貽誤惟李經方是問李鴻章亦不能辭其咎也○諭軍機大臣等有人奏直隸蠡縣知縣馬慶麒藉詞軍興勒令莊農捐繳銀兩備不如數立即收押又苛派築堤工費連近驕然盡入私囊所有大小案件無不積壓拖累縱差私押農民彭姓斃命請飭查辦等語著王文韶按照所參各節確切查明據實覆奏毋稍徇隱原摺片著鈔給閱看將此諭令知之○戊辰直隸按察使周馥因病乞休允之○己巳諭軍機大臣等有人參東路驛同知陳鎰清前在南路驛任內因案勒索贓銀經人控告撤任調署東路驛同知審理案件濫用非刑信任家丁黃子和等納賄營私各款請飭查辦等語著孫家鼐陳彝按照所參各節確實具奏○諭通政司奏驛遞本章漏未蓋印請將巡撫議處等語四川巡撫前陝西巡撫鹿傳霖著交部照例議處○以朱靖旬爲直隸按察使○李鴻章電致總理各

國事務衙門欽奉有電

諭旨惲德昌任李經方患病未愈且慮不勝任何敢飾詞推諉惟時勢緊急遵

卽電飭力疾料理前往頃據電報經方才短病重地方情形太生恐誤大局不敢不瀝陳於前 嚴旨督

責敢不懷遵惟任大責重可否添派一人同往到臺或留署藩司顧燾熙提督楊岐珍在臺候交接並請

令科士達偕往襄助乞酌核代奏等情查顧楊二員均與鴻章舊好人亦明練乞電飭暫留與李經方會

商一切科士達亦願偕往所需洋文東文參贊編譯各員已令經方酌調鴻趕緊代刻關防以便公辦鈐

用並飭滬道籌給公費租定輪船俟津滬各員齊集尅日前往鴻又電屬伊藤轉致樺山和衷相機商辦

請代奏 上諭軍機大臣等李鴻章電奏已悉科士達願隨李經方赴臺並調參贊編譯各員均照所請

辦理臺灣文武各員已有旨飭令內渡未便再令留臺守候如天津別有可派之員卽由李鴻章就近酌

調前往幫同李經方商辦一切○庚午李鴻章電致總理各國事務衙門頃接伊藤本日午初覆函云李

中堂閣下西歷本月廿一日卽中歷四月廿七日來電業經收到並將其中情節轉電樺山託其與李經

方按照友誼和衷商辦日本政府已派水陸各軍前赴臺灣中國特派大員諒必帶有全權日本特派大

員業經奉有此等文憑如中國特派大員先來長崎帶同日本國家船隻前往以資護衛更爲安穩至該

大員何日可以行抵該處務乞示知等語應否加給全權文憑可否先赴長崎會齊前往請代奏候 旨

飭遵 上諭軍機大臣等李鴻章電奏已悉伊藤所稱李經方先赴長崎會同前往諸多窒礙著李鴻章覆以彼此約定在臺灣海口會晤以免周折文憑即加全權字樣○諭內務府奏恭逢恩詔上駟院已革廐長可否開復一摺上駟院廐長廣泰等均已降旨責革並非革職留任之員該衙門援引恩詔輒爲陳奏殊屬錯誤所請著毋庸議